

السلطات في ذكرى عبدالنادر

د. محمد الحبيب

مكتبة

AMC

خمس سنوات من المعاناة



0195921



Bibliotheca Alexandrina

السادات

في ذكرى عبد الناصر

خمس سنوات من المعاناة



●● يجب أن نفهم الماضي لكي نعتز بتجاربه
لا لكي نرتبط بقيوده وسلاسله ●●

● ● كشف الرئيس أنور السادات في خطابه التاريخي ، في
 الذكرى الخامسة لجمال عبد الناصر ، أحداث سنوات المعاناة
 الخمس التي واجهتها مصر من وفاة عبد الناصر ،
 تحققت للامة الحرية والديمقراطية والامن
 والحب ، وحققت قواتنا المسلحة مجد أكتوبر ..
 ● ● وقال السادات أن مسئوليتنا اليوم ألا نحارب معارك الامس
 لا داخليا ولا عربيا ، بل يجب أن نشمر عن سواعدنا لنواجه
 معارك الغد ، بمزيد من البناء ، بمزيد من الحب والتراحم والمودة
 ● ● وقال السادات أن عبد الناصر لم يحاول قط أن يقيم بناء
 جامدا اسمه الناصرية . القول بالناصرية أو الساداتية
 هو حكم شخص وليس حكما موضوعيا .
 ● ● انها ثورة ٢٣ يوليو . انها التجربة الوطنية المصرية .
 ومناقشة شخص عبد الناصر بالتقديس أو بالتجريح هي
 اساءة لعبد الناصر . كان عبد الناصر انسانا . وكان بشرا .
 ولا يقلل من شأنه أن كانت له اخطاء كما كانت له حسنات .
 ● ● وانه كانت له اهداف حققها واهداف لم يحققها ..
 وقال الرئيس السادات : أن التيارات والمنظمات التي
 أنفقت حياتها في محاربة عبد الناصر ، هي التي
 ● ● تتاجر اليوم بترائه لكي تهاجم مصر ..
 وقد اضطر جمال عبد الناصر أن يقبل مبادرة روجرز وهو
 على مائدة المباحثات في موسكو مع الزعماء السوفيت ، بعد
 أن يش من موقف الاتحاد السوفيتي .. ومع ذلك
 ● ● فإن الاتحاد السوفيتي يرتدى الآن قميص عبد الناصر !
 قال السادات ان المسيرة تكتمل اليوم باروع صورة . ويكفي
 أن شيعب مصر ترك نزعة الحقد والكراهية ..

□ أكبر تكريم لعبد الناصر لقرو أن تتطور الثورة ،
وتنضج وتصح مسارها .

□ أية شخصية عملاقة مثل جمال عبد الناصر .. لها
الصداقات العميقة والخصومات الحادة .

□ المنظمات والسيارات التي أنفقت حياتها في محاربة
عبد الناصر تحاول اليوم أن تجعل من تراثه
تجارة يتذرعون بها للمهجوم على مصر .

□ المسألة ليست ناصرية أو ساداتية .. ولكنها ثورة
٢٣ يوليو أو التجربة الوطنية المصرية .

□ كان عبد الناصر إنسانا ، وكان بشرا .. ولا يقلل
من شأنه أن نقول إنه كانت له عسرات ..
وكانت له أخطاء .

□ لو كانت مصر قبل ٢٣ يوليو رافلة في النعيم
كما يزعمون .. ففيم إذن كانت الثورة .. ؟

□ كان أقصى ما وصل إليه عهد الأحزاب هو معاهدة ٣٦
التي أسمرها معاهدة الشرف والاستقلال، والتي
أبقت الجيش الإنجليزي في قلب القاهرة .

□ ظل الإنجليز والقصر يحكمون في كل شؤون البلاد
حتى قيام الثورة .

□ رفضت الأحزاب كلها أي مشروع معتدك
للإصلاح الزراعي .

□ اعتذر سفير إنجلترا عن مقابلة رئيس وزراء
مصر، وسقطت الوزارة .

□ القصر غير الوزارة مقابل نصف مليون جنيه .

□ عاشت البلاد أكثر عمرها في ظل الأحكام العرفية
والرقابة على الصحف .



باسم الله

كل سنة وأتم طيبين ..

❏❏ في الواقع وأنا أعد نفسي للقائكم بوصفكم أعلى القيادات في الدولة ، اللجنة المركزية ومجلس الشعب ، السلطة التنفيذية كلها، في الواقع كنت في حيرة لانني لدى الكثير مما أريد أن أضغه أمامكم خصوصا ، وانه تم منذ شهور قليلة ، تمت اعادة انتخابات الاتحاد الاشتراكي من القاعدة الى القمة الى اللجنة المركزية ، ومن حق اللجنة المركزية ، مع مجلس الشعب أن أضع أمامهم تقريرا كاملا عن الفترة الماضية .. حين أقول الفترة الماضية أقصد السنوات الخمس التي تلت وفاة عبد الناصر والتي نجتمع اليوم في نهايتها لكي نحیی ذكری عبد الناصر .

ومن ناحية أخرى .. كنت أريد أن يكون هذا الحديث مركزا تركيزا كاملا على عبد الناصر ، فقد آن الاوان فعلا أن نتحدث ، وأن نتحدث بصراحة ..

وأمر ثالث هو ما يحيط بنا من مواقف فى هذا العالم الذى
نعيشه سواء كان من القوى الكبرى .. أو فى عالمنا العربى ..
أو فى المحيط الدولى كله .. وقضيتنا التى هى فوق كل شىء ،
والتي عاش ومات عبد الناصر من أجلها ..

ووجدتني فى حيرة فعلا .. أن أسلم طريق فى تقديرى أن أبدأ
بسرده أحداث سنوات خمس مضت منذ أن انتقل عبد الناصر الى
جوار ربه حتى هذه اللحظة منذ خمس سنوات ..

ولعل استعراض هذه السنوات الخمس .. لعاهه يلقي الضوء
على مسيرة ثورتنا التى بدأت فى ٢٣ يوليو سنة ٥٢ بقيادة
عبد الناصر .. فليس هناك من تكريم لعبد الناصر أكثر من أن
تكون الثورة والمسار الذى بدأه تسير وتتطور وتنضج وتصحح
مسارها اذا اقتضى الامر .. فقد عشنا أحداثا جساما فى السنوات
الخمس الماضية ..

لهذه الذكرى ، ذكرى عبد الناصر ، بالنسبة لنا جميعا كشعب
.. وبالنسبة لى شخصا كزميل وصديق ورفيق سلاح . خواطر
كثيرة ومشاعر فياضة .

طبعاً من المؤلف فى العالم كله وعبر التاريخ كله ان أى
شخصية عملاقة مثل شخصية عبد الناصر تتصدى للأحداث
بالتغيير .. والتغيير فيه هدم وبناء .. من المؤلف أو أى شخص
من هذا النوع توجد دائماً الصداقات العميقة والخصومات الحادة
.. وينفتح بعدها باب الجدل ، السنين وأجيالا ..

ولست أريد أن أحد من المناقشات التي لم تنقطع عن عبد
الناصر وعن الناصرية .. ولكنني أريد ترشيد هذه المناقشات،
حتى تكون ذات فائدة .. ونخرج منها بالعبرة الطحيحة .

فماذا نرى الآن ؟ .. نرى شطحات كثيرة غريبة .. بعضها
ربما كان بريئا .. وبعضها بالتأكيد غير برئ ..

مثلا .. نرى تلك المنظمات والتيارات التي أفقت حياتها في
محاربة عبد الناصر .. تحاول اليوم أن تجعل من تراثه تجارة
يتذرعون بها للهجوم على مصر .

ونرى أناسا آخرين ، يحاولون إقامة معبد اسمه الناصرية ..
يحيط به التقديس والغموض لكي يقيموا من أنفسهم كهنة لهذا
المعبد ، هم العالمون وحدهم بالاسرار .. وهم المحتكرون
للتفسير .. وهم قضاة الخطأ والصواب .

ولا أقول .. وقد عاشت عبد الناصر وزاملته وشاركته أكثر
عمرى وعمره ، أقول لا .. لم يحاول عبد الناصر قط أن يقيم
بناء جامدا اسمه الناصرية .. بل كان يرفض أى قالب كان ..
بل اثنى أقول أكثر من ذلك .. ان الذين يقولون اليوم بأن
هناك ناصرية وأن هناك ساداتية مخطئون .. انهم ينطلقون من
أحكام شخصية وليست موضوعية .. وفيهم اليوم من يلعن
الامس .. واذا سنحت الظروف ، فسوف يلعنون غدا اليوم
.. وهكذا ..

في تقديري أولا .. ان المسألة ليست ناصرية أو ساداتية ..
ولكنها ثورة ٢٣ يوليو .. أن التجربة الوطنية المصرية .. هذه

هى الموضوعات والعناوين التى تناقش .. وكل دارس لتواريخ
الامم ، يعرف أن دور أى فرد مهما كبر فهو ابن التربة التى
أنته ، والظروف التى صاحبتة . والشعب الخلاق الذى واكب
مسيرته ..

مناقشة شخص عبد الناصر بالتقدير أو بالتجريح اساءة لعبد
الناصر .. لانه أبدا لم يشأ أن يكون صنما أبدا .. بل كان
نموذجا فى معاشته للواقع ، ومخالطته للحياة ، ومروته فى وجه
التغيرات .. ليست القضية اذن قضية ناصرية أو سادسية ..
ومناقشة الامور على هذا النحو تضل فى متاهات المشاعر أو
الاحقاد الشخصية ، وتجزئ التجربة الوطنية المصرية ..

فى حين اننا حين تناقش ثورة ٢٣ يوليو أو التجربة الوطنية
المصرية ، فاننا نربط بذلك نضال القادة بالجماهير ، أو الحاكم
بالشعب .. لقد كان عبد الناصر انسانا .. وكان بشرا .. وبالتالى
فلا يقلل من شأنه أن نقول انه كانت له حسنات ، وكانت له
أخطاء .. كانت هناك أهداف حققها ، وأهداف لم يستطع أن
يحققها .. وأنا أيضا لا شك أن لى أخطاء .. فكل من يتصدى
لأعلى المسؤوليات فى مثل الظروف الصعبة والبحار المتلاطمة من
التيارات لا يمكن الا أن يخطئ ويصيب ، الا أولئك الذين
يؤثرون السلامة لانفسهم ويحكمون بالتالى على أقدار شعوبهم
بالانكماش والجمود ..

حين تكلمت فى أحد خطاباتى السابقة اليكم عن كفاح أحمد
عرابى ومصطفى كامل ومحمد فريد وسعد زغلول ، أبدى البعض

دهشتهم واتهموا ثورة ٢٣ يوليو بأنها حذفت كل هؤلاء من التاريخ وهذا افتراء على ثورة ٢٣ يوليو فالكتب التى تؤلف عن هؤلاء لم تنقطع، وتدرس كفاحهم فى المدارس لم يتوقف، ولكن الفرق انهم قبل الثورة كانوا يدرسون الخديو توفيق مثلاً ، الذى استدعى الانجليز هو الوطنى وأن عرابى البطل المصرى الفلاح الاصيل هو المسئول عن الاحتلال .. فلما جاءت الثورة أعادت الامور الى نصابها فى المناهج التعليمية ، لم يكن فى حديثى ذلك أى جديد أو غريب على، ولقد قصدت منه أن أعطى درساً لمن يفهم فى ضرورة احترام تاريخنا وتقييمه بموضوعية لا اسراف فيها ولا تقصير ، ولا تزويق فيها ولا تشهير .

ولكن .. مرة أخرى انتهز البعض الفرصة ونسجت بهم الميول والافكار فراحوا يمجدون فى العهد السابق على الثورة .. ويصورون الامور وكأن عهد ما قبل ٢٣ يوليو كان نبيماً ، وما بعد ٢٣ يوليو كان نقمة وعذاباً ، وهنا أيضاً أقول بكل صراحة .. لا .. التاريخ مائل أمامنا ولا يمكن خداع الناس فيه .. قبل ٢٣ يوليو .. ماذا كان العهد .. كان عهد الاستعمار والقصر والاقطاع والامتيازات والاقلية .

وبعد ٢٣ يوليو بدأ عهد الحكم المصرى والقيادة المصرية .. والقرارات المصرية .. والاتجاه الى استرداد حقوق الاغلبية المقهورة من شعب مصر .. ولو كانت مصر قبل ٢٣ يوليو رافلة فى النعيم كما يزعمون .. فقيم اذن كانت الثورة ؟ ولماذا خرجت ملايين الشعب من اللحظات الاولى تباركها وتؤيدها .. وتنفس

الصعداء. لزوال الكابوس الجاثم عليها ؟ .. اننا حين نذكر لكل عهد ايجابياته وسلبياته .. فليس معنى ذلك خلط الامور أو استغلالها لهذا الغرض ، أو لذلك .

ومرة أخرى فنحن لا نناقش الشخصيات ولكن ظروف النضال الوطنى قبل ٣٣ يوليو كانت مختلفة تماما ، وبالتالي كان انجازها ضئيلا جدا .

ماذا وصل اليه عهد الاحزاب القديمة من سنة ١٩ الى سنة ١٩٥٢ ، أى طوال ثلاثة وثلاثين عاما ؟

فى القضية الوطنية : كان أقصى ما وصل اليه عهد الاحزاب هو : معاهدة ٣٦ التى أسموها معاهدة الشرف والاستقلال والتى بمقتضاها بقى الجيش الانجليزى فى قلب القاهرة .. بل فى ثكنات قصر النيل مكان هذا المبنى الذى نجتمع فيه الآن كان أقصى أمل للمعاهدة .. احتفاظهم بمنطقة القناة كلها ، والارتباط بحلف عسكرى أبدى مع الانجليز .

وفى مجال القضية الداخلية .. ظل الانجليز والقصر يتحكمون فى كل شئون البلاد .. حتى قيام الثورة كانت السلطة الحقيقية فى دار المندوب السامى أولا .. الى سفارة فى النهاية .. أصبحت السفارة البريطانية .. ولعلنا نذكر قبل قيام الثورة بأسابيع ، اعتذر سفير انجلترا عن مقابلة رئيس وزراء مصر ، وسقطت الوزارة .. قبل قيام الثورة بأيام دفع للقصر نصف مليون جنيه لتغيير الوزارة ، وتم التغيير .. كل دى حقائق ، فى التاريخ موجودة .



في مجال القضية الاجتماعية .. رفضت الاحزاب كلها ، أى مشروع معتدل .. للاصلاح الزراعى •

في مجال التنمية .. انعدم معدل الزيادة في التنمية تقريبا .. وكانت الصناعة محاولات صغيرة فردية مبثرة •

المشروع الكبير الوحيد ، الذى تصدت له الاحزاب طوال ٣٠ سنة كان التعلية الثانية لخزان اسوان القديم وكهربته .. ومع ذلك لم يتم هذا بسبب الفساد والمضاربات الحزبية .. وهو مالا يبلغ عشر السد العالي وحده .. ومع ذلك تم أيضا كهربة خزان أسوان القديم •

أقول .. لقد انتهت الحياة الحزبية القديمة مع نهاية الحرب
الثانية الى الافلاس في كل مجال .. ومن وقتها .. والى قيسام
الثورة .. اضطرب كل شيء في البلاد .. اضطرب الاقتصاد ،
واضطرب الامن ، اشتركت الحكومة والسلطات في الاغتيالات
كأنها عصابة من العصابات .. انتشر تلفيق القضايا .. انتهكت
حرمة القضاء بتشكيل نيابات اقروا عنها أيامها .. عانيت أنا نصبي
وأنا في السجن منها .. المحاكم، مثل محكمة حسين طنطاوى ..
كانت اليد العليا للبوليس السياسى .. امتلأت السجون والمعتقلات
.. عاشت البلاد أكثر عمرها في ظل الاحكام العرفية ، والرقابة
على الصحف، وكان الفساد فى أعلى المستويات .. كان هذا — مع
الاسف — هو الوضع ، وكانت هذه الملامح هى التى مرغت كرامة
الوطن فى التراب وكانت هى الدافع الاول لقيام ثورة ٢٣ يوليو .

□ ثورة ٢٣ يوليو كان لها سلبيات ، ومن واقع
المسؤولية أمارس النقد الذاتي .

□ كانت هناك انحرافات . وكانت هناك سجون
ومعتقلات . وكانت هناك إجراءات وتصرفات
لا تبررها الشرعية الثورية .

□ نمت مراكز قوى واستفحلت . وامتدّت إجراءات
الاستثنائية إلى مجالات ما كان يجب أن تمتد إليها

□ الميثاق لم ينفذ كله .. وحاول البعض مركسة هذا
الميثاق بالنظرية الماركسية .. ولم يكن علينا ماركسيا

□ بيان ٣٠ مارس لم ينفذ على الإطلاق .

□ الهدف السادس من أهداف ثورة ٢٣ يوليو ..
وهو ردّ الحريات السياسية للشعب وإقامة
الديمقراطية السليمة .. لم ينفذ على الإطلاق .

□ ثورة ١٥ مايو .. ثورة كاملة تحت في إطار
ثورة ٢٣ يوليو

□ ثورة ١٥ مايو .. لم تفرض علينا بقوة خارج
الثورة .. ولم تتم بعناصر غريبة عن الثورة.

□ ثورة ١٥ مايو .. لم تكن ثورة مضادة، ولكنها
ثورة من أجل تصحيح مسار الثورة الأم .

□ ثورة ١٥ مايو .. فصل جديد، ولكنها فصل
جديد في كتاب ثورة ٢٣ يوليو .

□ ورقة أكتوبر .. هي الوثيقة الأساسية لثورة
التصحيح والتطوير .

□ ورقة أكتوبر .. حددت لنا مسار العمل الوطني
وأهدافه ومراحلها حتى نهاية هذا القرن .



□□ ولكن .. مرة أخرى - وقد وعدت أن أتكلم بتمهتي الصراحة
- مرة أخرى أقول : ان ثورة ٢٣ يوليو كان لها أيضا سلبيات ،
ومن واقع المسؤولية امارس هذا النقد الذاتي وأقول .. نعم ..
كانت هناك انحرافات .. وكانت هناك سجون ومعتقلات .. وكما
كان لا بد من إجراءات استثنائية تبررها أى ثورة ، الا أن بعض
هذه الاجراءات طال أكثر مما يجب ، وامتد الى مجالات ما كان
يجب أن يمتد اليها .

كانت هناك اجراءات وتصرفات لا تبررها الشرعية الثورية ،
نمت مراكز قوى .. واستفحلت .. أكثر من ذلك .. وأقولها
بتمتهى الصراحة .. ان الميثاق لم ينفذ كله .. بل أكثر من هذا
حاول البعض مركسة هذا الميثاق بالنظرية الماركسية .. مع أن
الميثاق ينص صراحة على الفروق الجوهرية بين نظريتنا وبين
الماركسية ولكن عندما نشأت مراكز القوى واستفحلت ، وفي غيبة
مؤسسات الدولة ، انقلب الميثاق الى نظرية ماركسية ، وبعبارة

الناصر لم يكن ماركسيا ، وقد قال هذا في الميثاق وقال عن
الفروق الجوهرية بين نظريتنا .. تحالف قوى الشعب الصامل
.. وبين الماركسية ..

يسان ٣٠ مارس .. لم ينفذ على الإطلاق .. ونحن جميعا
شبهه .. ووجه عام .. فان ذلك الجزء من أهداف الثورة وهو
الهدف السادس من الاهداف الستة التي بدأت بها ثورة ٢٣ يوليو
.. المتعلق برد الحريات السياسية للشعب واقامة الديمقراطية
السيمية .. أقول ان هذا الجزء لم ينفذ على الإطلاق .. باعترف
بالصليانة .. كما قلت بالايجابيات ..

من موقع مشاركتي في قيادة الثورة منذ كانت جنيينا ..
ومسؤوليتي الكاملة عن سيرتها منذ خمس سنوات .. امارس
هذا النقد الذاتي وأسجل هذه النواحي من القصور ..

يقودني هذا الى الحديث عن ثورة ١٥ مايو التصحيحية ..
ولعلكم تذكرون انني كنت أصر على استخدام تعبير حركة ١٥
مايو زمنا طويلا ولكن الآن وقد اكتملت ملامحها يمكنني أن أقول
انها ثورة كاملة ..

ما مضى ثورة ١٥ مايو ؟ .. انها أولا تجربة فريدة في النقد
الذاتي .. هناك النقد الذاتي الذي يقف عند حدود الكلام فقط
.. ولكن ١٥ مايو كانت نقدا ذاتيا وعصليا .. لم أمارسه بالقول ،
ولكنني مارسته بالفعل .. مارسته بالتصدي لاوجه النقص



لتكسيها .. والتصدى لواجه الانحراف بتصحيحها .. وهذا وحده هو الاسلوب الجدير باسم النقد الذاتى .
الامر الثانى .. هو ان النقد الذاتى العلمى - أى هذه الثورة التصحيحية - تمت فى اطار ثورة ٢٣ يوليو .. فهى لم تفرض علينا قوة خارج الثورة .. ولم تتم بضغط من عناصر غريبة عن الثورة .. أى انها لم تكن ثورة مضادة .. ولكنها ثورة من أجل تصحيح مسار الثورة الام .. ومن أجل اعادتها الى منابها الاولى وتطويرها مع تطور الدنيا وتغير الظروف الداخلية والخارجية خلال ٢٠ سنة ..

ان ثورة ١٥ مايو فصل جديد ولكنها فصل جديد فى كتاب ٢٣ يولية ذاته .. ولم يكن التصحيح بالسلب فقط أى بتقويم

الانحرافات وازالة التراكمات الضارة وانما كان تصحيحا بالمعنى
الايجابى أيضا • أى بمعنى الاضافة والتجديد والتطوير •

وثائق الثورة من البيان الاول بالمبادئ الستة الى الميثاق الى
بيان ٣٠ مارس اضيفت اليها وثيقة هامة هى الوثيقة الاساسية
لثورة التصحيح والتطوير ، تلك هى ورقة اكتوبر •

ان هناك ورقة تطوير الاتحاد الاشتراكى والبيانات الاساسية
التي ادليت بها أمامكم أو أمام المؤتمر القومى للاتحاد الاشتراكى •

هذا عن الوثائق والخطط التي حددت لنا مسار العمل الوطنى
وحددت لنا أهدافه ومراحله : من هنا حتى نهاية القرن كما هو
وارد فى ورقة اكتوبر ••

□ اننى اضع أمامكم تقريراً كاملاً عن أحداث
وانجازات خمس سنوات من المعاناة .

□ بعد وفاة عبدالناصر مباشرة .. كانت البلدمزقة
وكل واحد من مراكز القوى كان يريد أن
ينال نصيباً من التركة .

□ كان أمامى هدفان .. إزالة العقد المستشري
في البلد ، بإزالة الصراعات ومراكز القوى ،
وتصحيح مسار الثورة .. وفي نفس الوقت
الاستعداد للمعركة .. ومن هنا كانت المعاناة

□ لم يرسل السوفييت ما وعدوا به من أسلحة .
فأجبه عبدالناصر في أول مايو ١٩٧٠ بخطاب
إلى الرئيس نيكسون وأمريكا .

□ أمريكا هي الطرف الرئيسى في الصراع .. ومن
يتجاهل هذه الحقيقة .. يتجاهل شيئاً أساسياً
في حقيقة الصراع .

□ جهات مبادرة روجرز تنص على الانسحاب
وعلى إيقاف إطلاق النار ٩٠ يوماً .

□ عاد عبدالناصر من موسكو بعد رحلته استمرت ٢٠ يوما ، ليقول لى إن مساعدة السوفييت لنا أصبحت حالة ميؤسا منها تماما .

□ اضطر عبدالناصر أن يعلن قبوله لمبادرة روجرز وهو على مائدة المباحثات مع الزعماء السوفييت

□ جرع اخواننا الفلسطينيون عبدالناصر .. ومصر .. بمنتهى الشراسة .. كما يتكرر منهم الآن .

□ أهلكى هذا الظالم .. لأن الاتحاد السوفييتى يلبس الآن قميص عبدالناصر .

□ كثيرون يلبسون اليوم قميص عبدالناصر .. مثل حزب البعث فى سوريا وفى العراق .. وما لها جموابه عبدالناصر فى حياته مسجل ومعروف

□ مات عبدالناصر وتوليت المسئولية فى هذا الجؤ المحموم من جانب من يهاجمونا .. ومن جانب أمريكا وإسرائيل بعد أن أسقطوا مبادرة روجرز .



■ ■ ■ فماذا عن الجانب العملى والممارسة فى أرض الواقع ؟

لعلكم قرأتم أخيرا ذكريات عن ذلك اليوم منذ خمس سنوات يوم ٢٨ سبتمبر سنة ٧٠ يوم أن انتقل عبد الناصر الى جوار ربه . ولم أستطع أن أنشر كل شىء .. فهناك أمور كثيرة تحكمنى :

أولها أساسا .. هو المصلحة العليا للوطن لم أستطع أن أتحدث فى هذه الذكريات التى قرأتموها لم أستطع أن أضع كل ما سجلته للمطبعة لكى يطبع .

وأنا التقى بكم اليوم كأعلى قيادات فى هذا البلد فى مؤتمر ، أحمد الله أننى أستطيع ، وبعد مرور السنوات الخمس .. سنوات المعاناة هذه أن أضع أمامكم تقريرا كاملا كما بدأت فى حديثى .

كلكم تعلمون ماذا كانت عليه الاوضاع عقب وفاة عبد الناصر مباشرة . كانت البلد ممزقة ، والصراعات ، والخلافات ، ومراكز القوى ، وكل واحد منهم يريد أن ينال نصيبا من التركة .. وحين

أقول معاناة ، فانتى أعنى فى المقام الاول ، انتى عانيت من الحقد
القوى استشرى فى البلد .. الحقد والتفكك ، تفكك العائلة
المصرية .. البعض حاقد ، البعض الآخر مجروح ، والبعض
الآخر تائه .. وفوق كل هذا أماننا اسرائيل على الضفة الشرقية
لقناة السويس .. ولم يكن من سبيل أمامى لكى أبدأ . الا أن
أضع هدفين أساسيين :

الهدف الاول .. هو ازالة هذا الحقد المستشرى فى البلد ،
بإزالة الصراعات ومراكز القوى كلها .. وتصحيح مسار الثورة
.. وفى نفس الوقت كان على أن تكون عيني دائما على أرضنا
المحتلة ، وعلى قواتنا المسلحة ، وعلى المعركة المقبلة .. من هنا
كانت المعاناة ..

ويهمنى هنا ، علشان أربط التاريخ .. تاريخنا فى حلقات
مشكاملة ، يهمنى لازم أرجع لسنة ٧٠ ، علشان زى ما قلت قبل
كده فى خطاب من خطاباتي : تاريخنا عبارة عن سلسلة .. حلقات
تكمل بعضها البعض .. ليست مقطعة والا فاننا وأجيالنا المقبلة
سنواجه آلام ، ونواجه متاعب شديدة اذا لم نعرف تاريخنا واذا
لم يكن تاريخنا فعلا متصل الحلقات .. أعود الى سنة ٧٠ ، فى أول
العام .. كما قرأتم سافر عبد الناصر الله يرحمه للاتحاد السوفيتى
فى أول اكتوبر ٧٠ بعد ضرب أبو زعبل واتفق على تزويدنا بصواريخ
سام ٣ واتفق أيضا على أن تأتى أطقم سوفيتية تدير هذه
الصواريخ الى أن تنتهى الاطقم المصرية من التدريب على تشغيل
هذه الصواريخ ، وكان مقدر أن الاطقم المصرية بتاعتنا تنتهى من
تدريبها فى أغسطس ٧٠

كلنا نذكر أن اسرائيل بحادث أبو زعبل كانت داخلية على علق
الجمهورية .. ضربت أبو زعبل .. ضربت معسكر دهشور على
بعد ربع ساعة من القاهرة .. وقالوا احنا ضربنا دهشور على بعد
ربع ساعة من القاهرة .. سناء مصر مفتوحة أمانا .. كان لابد
أن نعمل بالصواريخ الجديدة لان الاتحاد السوفيتي مكانش
بيدينا الا صاروخين سام واحد وسام اثنين ودول مايأثروش
على الارتفاعات الواطية .. دول للارتفاعات العالية بس .. من
هنا جه حرص عبد الناصر على أنه في فترة الفراغ اللي ما بين
استلامنا للصواريخ في فبراير ومازس سنة ٧٠ الى أن تنتهي
الاطقم المصرية بتاعتنا من التدريب عليها في أغسطس ٧٠

في هذه الفترة من فبراير ومارس الى أغسطس تأتى أطقم
سوفيتية علشان تشغل هذه الصواريخ .. وحت فعلا الاطقم
السوفيتية مع الصواريخ وزى ما حكيت لكم في خطابي الماضي
عاد عبد الناصر وهو سعيد جدا ، لان الاتحاد السوفيتي مش بس
وافق على صاروخ سام ٣ .. بل وافق أيضا على مطلبين آخرين
كانوا لنا .. يمثل أحدهما ، وأنا حكيت عنه ، الحرب الالكترونية
.. ويمثل الآخر سلاح للدفع .. وده اللي كان دائما محور
خلافنا مع الاتحاد السوفيتي من وقت عبد الناصر لغاية أنا
ما توليت اللي أن أنهيت وجود الخبراء السوفيت سنة ٧٢ ..
جه عبد الناصر .. وصلت الصواريخ .. وصلت الاطقم
السوفيتية .. لكن الباقي ما وصلش ..

في أول مايو سنة ٧٠ ، وفي عيد العمال .. وكنا في شبرا
الخيمة .. اتجه عبد الناصر في خطبته رسميا وأمام العالم كله

بالخطاب الى الرئيس نيكسون وأمريكا ، والخطاب موجود
ومسجل - ليه ؟ - فى المشكلة اللي احنا فيها .. أمريكا طرف
رئيسى أن ما كاتتش هى الطرف الرئيسى فهى طرف رئيسى ..
هى اللي بتعطى اسرائيل زى ما قلت أنا : ابتداء من الزبدة
والعيش الى المدفع والدبابة والطائرة .. وهى اللي وافقت سنة
٦٧ باشارة .. بالنور الاخضر .. للهجوم على مصر .. ومن
يتجاهل هذه الحقيقة .. يتجاهل شىء أساسى فى حقيقة الصراع
الى احنا عايشينه النهاردة .. اتجه عبد الناصر بالخطاب الى
نيكسون وطلب أن أمريكا تحدد موقفها سلبا أو ايجابا .. انها
تقول حتى اذا كانت مش قادرة تعمل حاجة ، تقول .. تعلن .

وجات مبادرة روجرز .. بعد هذا الخطاب بشهر طلع
ما يسمى بمبادرة روجرز من أمريكا - المبادرة كان فيها شيئين
أساسيين :

الامر الاول .. هو الانسحاب ..

والامر الثانى هو ايقاف اطلاق النار لمدة ٩٠ يوم .. فى ذلك
الوقت وبدءا من سنة ٦٩-٦٨ مش ٧٠ بدءا من ٦٩ واحنا فى حرب
استنزاف .. استمرت طول ٦٩

فى يوليو ٦٩ ادخلت اسرائيل سلاح الطيران الاسرائيلى كعنصر
من عناصر الضرب والرد والردع بالنسبة لنا الى تطور بعد كده

فى أوائل ٧٠ زى ما حكيت لكم انه دخل على العمق فى أبو
زعل وكان داخل الى عمق الجمهورية لغاية اسكندرية . المبادرة
كان فيها شيئين اثنين : الانسحاب ووقف اطلاق النار لمدة ٩٠

يوما .. ثلاثة أشهر .. في هذه الاثناء .. أنا قلت لكم عبد
الناصر سافر في أوائل ٧٠ في أواخر يناير وجه في أوائل فبراير .
مرة أخرى سافر في هذه السنة نفسها ٧٠ ، سافر في يونية الى
الاتحاد السوفيتي .. وكانت مبادرة روجرز طلعت وأعلنت
للعالم ومستنية أمريكا ردنا على هذا واحنا مستمرين في حرب
الاستنزاف . راح عبد الناصر لموسكو تانى مرة في يونية وقبل
ما يسافر هذه الرحلة أعددنا لها اعداد كامل .

طريقة السوفيت .. أسلوبهم انه لا بد يكون عندهم المسائل
جاهزة علشان يستطيعوا ياخدوا قرار قبل ما يوصل لهم الضيف
اللى رايح لهم .. وكان موجود هنا سفيرهم المرحوم
فينوجرادوف الاول وكان صديق عزيز لمصر ، وكان ، لأول مرة
باقولها ، طول فترة خدمته منذ ٦٧ الى سنة ٧٠ - اللى توفي
فيها - كان كل يوم اثنين يجينى في بيتى الساعة حذاشر صباحا
علشان نعيد تقييم الموقف وتفضل الامور واضحة بالنسبة لنا
لانه ما كانش لنا في هذا الوقت - زى ما كلكم عارفين - الا
الاتحاد السوفيتي وكانت علاقاتنا مقطوعة بأمريكا .. علاقاتنا
منقطعة مع العالم العربى كله ، علاقاتنا منقطعة مع غرب أوروبا ..
ما كانش في الواقع فيه حد نعتد عليه الا الاتحاد السوفيتي في
ذلك الحين .

فأنا اتفقت مع عبد الناصر فعلا وجعلنا كل يوم اثنين الساعة
حذاشر بلا موعد ، والكلام ده ثابت عندهم .. عند السوفيت
هنا .. بلا موعد يجي كل يوم اثنين الساعة حذاشر أسبوعيا

لغاية ما مات الراجل من سنة ٦٧ لغاية ٧٠ ، يتقدم وينميد تقسيم
الموقف ، يشوف اذا كان فيه مشاكل بيننا ..

اذا كان فيه اعادة لتقدير مواقف .. او .. او .. ينصرف
الرجل بعد ساعة او ساعتين حسب الحال .. وباروح أنا لعبد
الناصر وينتقمه فتكلم ونشوف ايه الدور ..

قبل زيارة عبد الناصر في يونية جهزنا لها لمدة شهر كامل ..
وكان التجهيز زى ما حكيت لكم أساسه احنا غاوزين الحرب
الالكترونية وغايزين سلاح الردع .. وعدوه .. في يناير نفذوا
سيام ٣ والاطقم السوفيتية لكن ماجتش بقية الوعود .. فجهزنا
وقعدنا شهر كامل وحتى قبل ما يسافر عبد الناصر وأنا باتكلم
وبله قلت له أنا في تقديري الدور ده لا بد كل شىء حيثتهى فعلا
لان كل شىء جاهز عند القادة السوفيت قبلها بشهر .. وكل
شئ واضح تمام ..

يسافر عبد الناصر .. مارديش على الامريكان في مبادرة
روجرز وسافر .. وراح قعد معاهم .. وفي أثناء سفره كنت أنا
رئيس اللجنة السياسية في اللجنة المركزية للاتحاد الاشتراكي ..
جمعت اللجنة السياسية وبعد دراسة كاملة لمشروع روجرز فرنا
بالاجماع توصية برفض هذا المشروع .. ومسجل هذا الكلام
.. وعبد الناصر كان في موسكو وقت ما اجتمعنا احنا لانه في
هذه الرحلة قعد أكثر من عشرين يوما ورجع عبد الناصر وشفتة
متعالة .. صحته طيبة ممتازة .. دخل مضخة هنيك .. أنا
انصرف ذهني طبعاً الى انه دائما معنوياته كانت تبقى عالية لما

يبقى حاسس ان طلباتنا بتجانب لان المعركة مافيش مفر منها ..
وكان كل جهدنا وعملنا وتركيزنا فى المعركة .

صعبا كان ممتازا . لكن نفسيا بعد ما وصل مباشرة فى نفس
اليوم وأنا بأوصله للبيت وبأسأله قال لى : للاسف حالة ميئوس
منها تماما .. ليه ده احنا مجهزين للرحلة من قبلها بشهرين وكل
شئ عندهم هناك ؟

فقال لى : والله يعنى وحدة من اثنين — ده بنص كلامه الله
يرحمه — اما انهم هذه المعلومات اللى انت من شهر حكيت لى
عنها ورتبتها واديتى تقرير كامل ووصلتها لهم انت والسفير
السوفيتى جهزتوا كل شئ . وأنا مسافر وفاهم ان كل شئ جاهز
على القرار ولا بد خدوه هناك لانهم خدوا وقتهم كفاية .. قال
لى وحدة من اثنين : اما انهم ما وصلتهمش هذه المعلومات كلية
أو أنهم يتعمدوا اهمالها ..

أنا حقيقة صدمت بهذا .. نفسيا كان فى حالة سيئة جدا
.. جدا ..

وقال لى : أنا اضطريت أن أعلن على ترائيزة المفاوضات فى
الكرملين أمام الزعماء السوفيت الثلاثة قبولى لمبادرة روجرز .
وصل بيه لانه شايقت زى ما قال واحدة من الاثنين : يا إما
ما وصلتهمش معلومات خالص .. تبقى أجهزتهم بقه ما اجشاش
عارفين ايه اللى فيها . أو وصلتهم ومتجاهلين كل شئ تماما فى
الايام اللى قعدها فى المفاوضات قبل ما يروح للاستشفاء .

فقال لى اضطريت أقبل وأعلنهم على تربيعة المفاوضات فى الكرملىن بقبولى لمبادرة روجرز ، وغضب بريجنيف فى أقصى درجات الغضب • وعبد الناصر قال له : مفيش أمامى أبدا ازاء المعاملة اللى أنا شايئها منكم الا انى أقبل مبادرة روجرز • ورجع وعاد •

ولما شرح لى قلت له : ده أنا جمعت اللجنة السياسية فى اللجنة المركزية ومتخدين توصية برفض مبادرة روجرز •• قال لى : آدى واقع الحال •• وآدى واقع الصورة آه • وأعلن قبوله لمبادرة روجرز فى مصر هنا بعد ما أعلنها لقادة الكرملىن هناك الثلاثة على تربيعة المفاوضات • عبد الناصر ما كانش يوصل لهذا القرار بسهولة أبدا • وخاصة زى ما قلت انه كان خطوطه مقطعة مع الكل • مع أمريكا ، مع غرب أوروبا ، مع العرب ، ناس كثيرين جدا فى العالم ومفيش غير الاتحاد السوفيتى •

مجال المناورة وهو كان مناور • مجال المناورة مفيش قدامه ، وده اللى كان مخليه فى حالة نفسية سيئة ، واللى خلاه يتخذ هذا القرار • قامت قيامة العرب علينا زى بالضبط اللى يبجسرى النهاردة فى فض الاشتباك الثانى وبأثرس من اللى جرى فى الايام الماضية على عبد الناصر •• بمتهى الشراسة على عبد الناصر وعلى مصر •• ومش قادر الراجل يحكى •• ليه هو قبل هذا • باحكيها أنا النهاردة •• وباهديها لكل انسان فى العالم العربى •• وباهديها لاخواننا اللى الاتحاد السوفيتى النهاردة يرسم لهم الخطط ويحط لهم ، ويديهم الاخبار ، والمواقف •• قامت قيامة العالم العربى •• مش العالم العربى طبعا كله ••

انما اخواننا الفلسطينيين بالذات كانوا أشرس من الشراسة ، في
الحكاية دى .. وجرحوه .. جرحوا عبد الناصر الله يرحمه ..
وطبعا الهجوم انصب مش على عبد الناصر .. على عبد الناصر
وعلى مصر .. نفس اللي تكرر أخيرا في عملية فض الاشتباك
الثاني ..

وقبلنا مبادرة روجرز .. وعبد الناصر قال كلمة الانسحاب
لما تيجي بلاش نشغل عليها ، وتكلم .. ومنضيعش هذه الفرصة
أبدا .. وأى انسحاب على الارض لا بد قبله .. أنا باحكي
الكلام ده ليه ؟ .. باحكي الكلام ده لانه النهاردة الاتحاد
السوفيتي من ضمن اللي لابسين قميص عبد الناصر .. ماهو
لبسوه كثير .. اللي كانوا ييشتمو عبد الناصر .. اللي قلت
.. حكيت أنا عنهم هنا .. في الخطبة .. التنظيمات ، والقيادات
.. حزب البعث اللي في سوريا وفي العراق وفي كل مكان .. دول
يعنى معروف ايه اللي قالوه .. لانه مسجل في الصحافة
والصحافة موجودة ..

لكن النهاردة .. من ضمن بأه اللي لابسين قميص عبد الناصر
الاتحاد السوفيتي .. بعد عبد الناصر الدنيا راحت .. طبعا
بخلاف التانيين اللي لهم أغراض في نفوسهم واللى حكيت عنهم
أنا هنا .. قبلنا المبادرة .. اليهود فوجئوا بقبولنا المبادرة ..
لانه هم وافقوا عليها على أساس أنه ١٠٠٪ عبد الناصر هافر فض
.. وفعلا قعد أكثر من شهر ونصف مايردش .. على عادتنا ،
احنا العرب ، اليهود متعودين .. لا .. لا .. لا .. والاتصال ..

الى ملوش أساس .. فتورطوا وأعلنوا قبولهم للمبادرة . قام
 به عبد الناصر وقال أنا قبلت المبادرة .. عندئذ بدأ تحرك جديد
 وهو : ان اليهود عايزين يتخلصوا لان المبادرة فيها كلمة انسحاب
 وهم لما وافقوا وقالوا عبد الناصر بقاله شهر ونص ، وفي موسكو
 مش حيوافق عليها والعالم العربي طبعاً حوالينا ، اخواننا
 المتحمسين والعنترين كلهم قالوا رأيهم و .. و .. و .. اتخموا
 اليهود فيها .. وافقوا .. لما جه عبد الناصر وافق .. أسقط في
 ايديهم . يعملوا ايه .. طلعا حكاية ان مصر حركت الصواريخ
 نقضا لمبادرة روجرز .. الله !! طب دى أرضى .. ده الفلسفة
 الغربية أرضى .. والفلسفة الشرقية برضه أرضى .. تحريك
 صواريخ ايه !! .. هما عايزين يخلصوا من كلمة الانسحاب الى
 عبد الناصر ورطهم فيها بقبول مبادرة روجرز ..

وبدأت مناورات عنيفة . وفي ذلك الوقت كانت طبعاً خفوطنا
 كلها مقطوعة في كل اتجاه وخاصة مع أمريكا صاحبة أكبر قسط
 في هذه المعركة .

أمريكا خدت الدعاية الاسرائيلية ومشيتها .. عبد الناصر
 نقض مبادرة روجرز .. وعليه فالمبادرة انتقضت وفي هذا الجو
 المحموم .. الى العرب ييشتموا فيه .. والفلسطينيين بلذات
 ييشتموا ويشراسة .. ييشتموا عبد الناصر ومصر .. واللى
 اليهود والامريكان بيرتبوا علشان اسقاط هذه المبادرة مات
 عبد الناصر في ٢٨ سبتمبر سنة ٧٠ ، وتوليت .. كان على انى
 أكمل .. وأنا حكيت الجزء ده ليه ؟ علشان أقول ان العملية



بتكمل بعضها كلها .. العملية حلقات متصلة مع بعضها . البكاء
على عبد الناصر وقميص عبد الناصر النهاردة ، طيب ماهو خط
المسار واحد .. المسار واحد وماشي ويطبق حسب كل مرحلة
وحسب المتغيرات اللي بتيجي من حولنا في كل مرحلة ، بل زي
ما هاحكي في ثورة التصحيح استظنا ان احنا نقفز قفزة ضخمة
جدا نحو أشياء كثيرة جدا كانت مؤجلة إلى ما بعد ازالة آثار
العدوان ..

توليت في هذا انجو المحموم من جانب اللي يهاجمونا ..
من جانب أمريكا واسرائيل علشان اسقاط المبادرة .. وكان
التسعين يوم كانوا ينتهوا في نوفمبر ٧٠ ، فجمعت المسؤولين ،
واتخذنا قرار ان احنا نجدد لتسعين يوم أخرى جديدة وبعثنا

.. كان محمود رياض وقتها وزير الخارجية ، راح الامم المتحدة .. واستطعنا ان احنا نجدد تسعين يوم جديدة ، لكن اتفقنا ان ده آخر وقت نجدد فيه .. خلاص مش حنجدد غير دى .. لان احنا كما قرأتم..يمكن جزء وبقية الاجزاء عن الصراعات اللى كانت موجودة فى الفترة بعد وفاة عبد الناصر مسجلها وحاططها لكى تحفظ فى تاريخ هذا البلد .. كانت صراعات رهية .. حقيقة - فكان علينا ان احنا نلهم أنفسنا قبله داخل البيت .. من أجل هذا اتفقنا ان احنا نأجل .. نمنح تسعين يوم جديدة للمبادرة من نوفمبر ٧٠ تنتهى فى ٤ فبراير ٧١ ، البديل لعدم القبول بمبادرة روجرز أو اسقاطها .. البديل الوحيد هو اننا نبتدى حرب الاستنزاف تانى على طول .. لكنه زى ما قلت فى أغسطس ، لما قبلنا الفقرة الثانية من المبادرة .. وقف اطلاق النار لمدة تسعين يوم .. فعندما تسقط هذه المبادرة وتنتهى لا بد نبدأ على طول حرب الاستنزاف مرة أخرى .

□ بدأت مناورات مراكز القوى .. وكان في تقديرهم
مثل الأمريكان والإنجليز أنني سأبقى بعد
عبد الناصر من ٤ إلى ٦ أسابيع .

□ أرادت مراكز القوى أن تدفعني إلى معركة على
الرغم من أن صواريخ الدفاع عن الصعيد
« نصف مصر » لم تصل من السوفييت .

□ قلت لمراكز القوى .. لن أبدأ حرب استنزاف،
وأضحي بنصف مصر .

□ قمت بأول زيارة للاتحاد السوفييتي في أول
مارس ١٩٧٠ واجتجت على عدم وصول
بطاريات الصواريخ .. وسمح الردع الذي
وعدوا به عبد الناصر .

□ قلت للسوفييت ليس عندي سلاح أريد به
على الفانتوم .. وكانت جلسة هامية .

□ استعجلت مراكز القوى الصراع .. وأقلت على صبري
ثم شعراوى جمعة .. وكانت ثورة ١٥ مايو .

□ جهاز بودهورفي وطلب المعاهدة .. رغم أنهم رفضوها من عبدالناصر ومنى مرتين في حياة عبدالناصر .

□ وعد بودهورفي أن تصل الرسالة التي طلبناها بعد ٤ أيام . ولم يصل أى شئ !

□ فعلوا هذا تماما مع عبدالناصر بعد ٦٧ حتى فقد أعصابه وطلب من تيتو أن يبلغهم أنه لا يقبل هذا الأسلوب

□ خذ لون في عام الحسم . وكنت طلبت منهم أن يسحبوا أطقم سام ٣ ، وقال بريجنيف أن هذا السحب سيؤثر عليهم عالميا

□ رفض السوفييت إصدار بيان مشترك نفطى به عدم وفائهم بعهودهم في عام الحسم .

□ كتبت غيظي .. وخطبت في مجلس الشعب ، وخطبت موقف الاتحاد السوفييتي وهو الذي أهزبهني أمام الشعب .



❏ في يناير جمعت اللجنة التنفيذية العليا ، وكان أغلبيتها من اخواننا بتوع مراكز القوى ، وجمعتهم في القيادة في مدينة نصر في العباسية وحطيت الموضوع قدامهم ، وبحضور القائد العام للقوات المسلحة ومدير المخابرات ، وقلت لهم قولوا لى رأيكم واحنا فى يناير لان فبراير حيبجى .. ولازم يا اما نجدد هذه المبادرة ، واحنا متفقين ان مافيش تجديد آخر ، أو تسقط هذه المبادرة، وما يترتب عليها .. وقولوا لى رأيكم ايه .

فى هذا الوقت .. كانت المناورات خدت حدها من مراكز القوى ، ويظهر انهم قالوا : يكفى ده بقى .. يكفى المدة اللى أنا قعدتها .. كفاية لغاية يناير .. يتدوا يعملوا علشان أمشى زى ما كان فى تقديرهم ، وزى ما كان فى تقدير الامريكان والانجليز والكل .. كانوا مدينى من ٤ الى ٦ أسابيع بعد عبد الناصر .

ابتدت المناورات واحنا قاعدين فى هذا الاجتماع .. كلكم تذكروا لما عملنا حرب .. ابتدينا حرب استنزاف فى ٦٨ فى سبتمبر وبمدين وقفناها واستأنفناها تانى فى ٦٩ و ٧٠

كلكم تذكروا اللي جرى في نجع حمادى لحول كهرباء المحطة الكبيرة .. أنا رحت بنفسى شفتها .. وضرب كوبرى قنا - اللي حصل هناك .. وضرب قناطر نجع حمادى ..

منذ ذلك الوقت - كان عبد الناصر موجود - اتفقنا مع الاتحاد السوفيتى عشان بيعت لنا دفاع صواريخ عن المنشآت بتاعتنا اللي في الصعيد اللي هي القناطر الثلاثة : أسنا ونجع حمادى وأسيوط والمواقع الرئيسية ، والكبارى الرئيسية ، عشان نعط عليها دفاع صواريخ ..

مرة ثانية بارجع .. الكلام ده حصل في أواخر ٦٨ مش النهاردة .. اللي باكلكم بقة فيه دلوقتى في يناير ٧١ ولا جاتش بطاريات الصواريخ ..

من سبتمبر ٦٨ ليناير ٧١ ولا جاتش لسه بطاريات الصواريخ ابدت المناقشة واتضح .. بقى فيه تيار واضح جدا قدامى مراكز القوى - الجبهة دول قالوا طيب حنخلص منه ازاى .. ما نرتقه في معركة يخبرها .. وتبقى العملية انتهت .. وعلى ذلك يأخذوا خط التشدد وهو انه بتدى حرب الاستنزاف في يوم الجمعة ٥ فبراير بعد ما نخلص ٤ فبراير تنتهى المدة يوم الجمعة ٥ فبراير بتدى حرب استنزاف على طول ..

حرب استنزاف .. وهو مدخل الطيران بتاعه من يوليو ٦٩ زى ما قلت لكم كرد على مدفعيتنا لان مدفعيتنا متفوقة عليه .. ولما تعب راح مدخل الطيران في يوليو ٦٩ بل في ٧٠ دخل على أبو زعبل وعلى عمق البلد وكان عايز يخش على أعماق الجمهورية ويقول سماؤكم فاضية مفتوحة قدامى لولا سام ٣ جه ..

وبعدين .. بطاريات الصعيد ماوصلتشن .. والصعيد من
رأس محمد اللى هى فى شبه جزيرة سيناء ..

فى الليالى القمرية انضرت المحطة الكهربائية اللى قلت لكم
عليها فى نجع حمادى .. وانضرب كوبرى قنا ، وانضرت قناطر
نجع حمادى .. كل ده بيتم فى الليالى القمرية بهليكوبتر من
طويلة المدى بتقوم من رأس محمد لما نبص على الخريطة نبص
نلاقى المسافة بين رأس محمد والمنطقة دى فى الصعيد قصيرة
خالص ، ولكن الهليكوبتر دى طويلة المدى فيقدروا فى القمر
يجوا يروحوا يضربوا اللى هم عايزين يضربوه ويرجعوا ..

لازم يكون عندنا دفاع .. عملنا الدفاع الشعبى .. لكن
الدفاع الشعبى مش كفاية .. دى منشآت قناطر .. ثلاث قناطر
وكوبرى نجع حمادى ينفصل محافظتين من الصعيد لو جرى له
حاجة ينفصلوا نهائيا عنه .. ما وصلتشن بطاريات الصواريخ ؟
لا .. بتبدى حرب الاستنزاف يوم الجمعة على طول ٦ فبراير
.. رفضت ، وقلت لهم .. أنا والله كون مبادرة روجرز نرفضها
وتسقط خلاص ده أمر ماعنديش فيه أى تردد ، لكن انى أبداً
حرب استنزاف من غير بطارياتى .. والصعيد بتاعى مكشوف
.. وأضحى بالصعيد .. لا .. موش مستعد .. ويقولوا زى
ما يقولوا .. رأى كل الاغلبية كانت مع بدء حرب الاستنزاف
.. أنهيت الاجتماع ..

جيت فى أربعة فبراير وخطبت فى مجلس الامة وأعلنت المبادرة
بتاعتى اللى أحمد الله ان اليهود ماقبلوهاش .. لانه احنا كان
لازم لنا معركة فعلا .. وأنا عملت هذه المبادرة وكان مؤداها انه

الى حصل في المعركة ان اسرائيل تنسحب اختيارا وأفتح قناة السويس ويارنج ييجى ويتولى في بحر ٦ أشهر عمل اتفاق واحنا ندى وقف اطلاق نار ٦ أشهر ما دام يارنج شغال ومستعدين نجددها ما دام يارنج شغال •

اليهود في قمة الغطرسة رفضوها •• وأعلنت أنا في ٤ فبراير في هذا اليوم ان احنا خلاص ماحناش ملتزمين بمبادرة روجرز • سقطت وحاندى شهر من عندنا هو عبارة عن الفترة من ٥ فبراير الى ٧ مارس فرصة للعالم علشان يخش معانا ويشترك • وكل انسان يشيل مسئولياته ••

الهدف كان من وراء ده كله •• اعلان مبادرتى ، ثم اعطاء شهر ، انه بنقول للعالم اتفضلوا •• اللي عايز يحل يتفضل ، احنا عايزين نحل بسلام من غير حرب اذا أمكن ذلك •• رفض اليهود وردوا على يارنج رد في غاية الغطرسة والغرور زى ما كانوا عايشين •• وجه ٧ مارس •• قبلها بقى •• رحت بعث للاتحاد السوفيتى : يا جماعة •• بطاريات الصعيد •• القناطر عندى •• دى القنطرة الواحدة لو انضربت يفرق نص مليون فدان •• أيوه •• جاية في السكة •• في السكة •• في يوم جالى القائد العام ، وقتها كان محمد فوزى ، وقال لى ان المراكب حاتوصل •• واحدة يوم ١٨ فبراير ، وواحدة يوم ٢٣ وأخطرونا رسمى ، قلت كويس •• حاتبقى قبل ٧ مارس ونبقى عندئذ جهازنا نفسنا •• وجهازنا حتى القطارات اللي حاتشيل على طول تودى على الصعيد •• وندافع عن الاهداف الحيوية وعندئذ نبقى أحرار •• ويبقى عندى أنا الحرية انى أبدا •• وأنا مطمئن

على نص بلدى .. الصعيد .. جه ١٨ فبراير .. ماجاش حاجة
.. جه ٢٢ فبراير .. مافيش حاجة جت خالص ولا اخطبار انه
اتاجل له ولا اتأخر له ولا امتى حايجى تانى .. خالص ..

فجيت أنا فى أول مارس بت لهم فى أواخر فبراير ، وفى يوم
واحد واثنين مارس عملت أول زيارة لى كرئيس جمهورية
للاتحاد السوفيتى سرا .. يوم واحد واثنين مارس ..

يا جماعة .. قعدت مع القادة الثلاثة فى الكرملين .. ليه
كده ؟ اتو عارفين ان آخر ميعاد عندى أنا مديه ٧ مارس ..
والصعيد .. أسيب الصعيد ازاي ؟ البطاريات .. حاضر
حاتوصل .. أتارى كان عندهم مؤتمر الحزب فى ٣١ مارس ..
وهم فى مثل هذه المناسبات يبتكروا الاسلوب اللى الانسان
— ماعدش يقدر يستحمله بقى الحقيقة — يحاول يحط نفسه
قيم على الواحد .. وانه احنا فاهمين ان راسنا سخنة .. فأول
ماحاتوصلنى البطاريات حاروح فاتح النار على طول . حاتتورطوا
.. حأنضرب احنا .. هم مش عايزين هذا فا مايقولوش لأ ..
لكن .. ما يبعثوش حاجة أبدا .. خدت جلسة يومها .. واحد
واثنين مارس وكان معايا واحد من مراكز القوى الثقال ووزير
الحرية والقائد العام محمد فوزى وسمعوا منى أنا قلت ايه
للقيادة السوفيت فى المحضر . ورجعت جمعت اللجنة العليا هنا
وشرحت لهم وقلت لهم الحكاية ..

كنت باتكلم فى هذا الاجتماع مش بس على بطاريات الصعيد
.. على سلاح الردع اللى متفقين مع عبد الناصر عليه من يناير
٧٠ ولا جاش .. ومات عبد الناصر ولا جاش برضه .. وعقدة

العقد كانت بيننا والاسلوب قلت لهم الاسلوب ده مش يقبله حد
أبدا .. اطلاقا .. ومتخلونيش دايما ورا اسرائيل بعشرة خطوات
.. مع انى أنا مبتدى على .. المفروض انى أكون قدامها بعشرة
.. لكن أنا قابل خلونى وراها بخطوتين مش بعشرة .. وده مش
أسلوب .. وبعدين اسرائيل بكل تبجح بتقول ان ايدها طويلة
اللى تصل بيها الى أى عمق فى الامة العربية ولها حق .. بتوصل
بالفاتوم الى أى عمق عندى .. وما عنديش أنا سلاح واحد
أرد بيه .. أردع بيه وأقول لهم أنا .. للردع فقط .. يعنى مش
حستخدامه الا لما يبتدى على .. ولا حياة لمن تنادى .. كانت
جلسة عنيفة جدا وساخرة جدا .. وجيت أعلنت اللجنة العليا بيها
هنا وحضرها معايا زى ما قلت لكم فوزى القائد العام وقتها
وقطب من أقطاب مراكز القوى .. وجم هنا ،وتفاصيلها حييجى
وقت أقول لكم عليه كله وتعرفوها ان شاء الله .

ورجعت .. وزى عادتهم .. زى ما يعملوا مع عبد الناصر
.. وزى ما يعملوا معايا .. ويعملوا مع كل الزباين اللى
عندهم .. فى آخر الاجتماع علشان يقفلوا المناقشة ويسكتوك
يروحووا مطلعين كشف ويقولوا : وافقت الحكومة السوفيتية
على تزويدكم بالاصناف الآتية .. ويروح قايل الحاجات اللى
هو منقيها .. كذا وكذا وكذا وكذا .. واحد فى وضعنا احنا
ممكن يقول: لأ لحاجة زى دى ؟ مش ممكن .. نى قوة ..
اضافة جديدة لقوتنا ولسلاحنا بنقبلها .. لكن سجلت عليهم فى
هذا الاجتماع ان أنا أرفض رفضا باتا هذا الاسلوب فى التعامل
.. من أول زيارة رحتها فى ١ و ٢ مارس وأعتقد ان دى كانت
نقطة تحول بينى وما بين الاتحاد السوفيتى ..

ده الخمس سنين .. ده أنا بانط تفاصيل كثير قوى .. ولسه
فى مارس ٧١

مراكز القوى استعجلت الصراع بعد ما رجعت أنا وكنا
ابتدينا تتكلم فى عملية الاتحاد بين مصر وسوريا وليبيا ..
استعجلوا الصراع .. واتهى بأنى أنا فى أول مايو سنة ٧١
خطبت فى حلوان وكانوا موزين الاجتماع طبعاً .. وعاملين
حسابهم على فرشته .. وانه يطلع اجتماع غير ناجح .. فوجئوا
بأن الاجتماع تم على أحسن صورة .. الحركات بتاعتهم ،
وكانت واضحة فى التلفزيون أيامها لكل الناس ، مقعدين جيش
بالكامل شايل صورة عبدالناصر وكل شوية يطلعها .. طب وماله
.. أما يطلعوا صورة عبدالناصر .. وماله .. هو ده حيفايقتنى
فى حاجة ؟ .. ده أنا أول مرة زرت فيها السودان طلع السودان
.. الخرطوم طلعت لى بصور عبد الناصر فقط ، مطلقوشى
بصورى ..

هم عارفين ان ده وفاء منهم لعبد الناصر ولى .. دول اللى
قابلوا عبد الناصر فى أغسطس فى سنة ٦٧ بعد الهزيمة فى مؤتمر
الخرطوم وكتب التاييم والنيوزيك - رغماً عنها ان شعب
السودان خرج لعبد الناصر المهزوم على أروع صورة ..
شكرتهم .. شكرت شعب السودان وكانت مجاملة لطيفة من
شعب السودان انه يقابلنى أنا بصور عبد الناصر .. الجماعة
فاهمين انه لما حيطلعوا لى الصور حترعجنى .. طب كويس
وماله ..

فى هذه الخطبة فى آخرها فوجئوا باللى أنا قلته بأن أنا مش
مستعد أبدا انى أسمح بصراع ومراكز قوى .. و .. و ..

وما كانوا ش عارفين هذا الجزء من الخطبة ، تانى يوم مباشرة
أقلت على صبرى .. يوم ٢ مايو مشيت التحولات .. أصابهم
حمى فى نشاطهم وأنا قاعد مستنى .. لغاية ما رحت القوات
المسلحة فى ١١ و ١٢ مايو .. يوم ١٣ أقلت شعراوى جمعة زعيم
الجماعة دول .. وقلت أما أشوف .. وكلكم عارفين ايه
التطورات اللى حصلت بعد كده .. استقالوا كلهم فى نشرة
الساعة ١١ .. وقتت الاذاعة .. وقلت لهم : طب وباعتين
الاستقالة الساعة ١٢ الا دقيقتين ..

قلت للى جايب الاستقالة .. طب ما قلتش من بدرى ليه ؟
علشان أعلن قبولها فى النشرة .. ومع ذلك أعطيت المكتب خبر
وقلت لهم فى آخر النشرة اعلنوا قبول الاستقالة .. مش مشكلة
يهنى ..

وفعلا ويوم ١٤ كان يوم مجلس الشعب اللى سجله فى
التاريخ لما راح عزل مراكز القوى كلها وعلى رأسهم رئيسه فى
ذلك الوقت .

يوم ١٥ رجعت الامور طبيعية .. وكان لا بد بقه انى آخذ
الخطوة الأولى الجذرية وهى تصحيح مسار الثورة على طول ،
نحيت مراكز القوى كلها .. اللى كانوا فى الحكم ..
فوجئت بغبر جاي لى .. الاتحاد السوفيتى يقولوا بدجورنى
جاي لك رئيس الدولة السوفيتية .. فى مايو بعد ما اتصفوا
الجماعة دول بمغيشي حاجة يعنى .. فجانى .. قلت لهم يتفضل
مرحبا .. أنا حريص جدا على علاقتى بالاتحاد السوفيتى ..
وأنا باحكى بالتفصيل ده ليه .. أو باحكى الشرح ده ليه ..

أنا عازيكم تعرفوا المرحلة مشميت ازاي الخمس سنين ..
والمعاينة اللي شقتها أنا في الخمس سنين عشان تعرفوا تصور
المسار مشي ازاي .. ويبقى كل واحد منكم مسلح بحقيقة
الموقف كاملة ..

جاني بدجورني .. وأنا حريص وزى ما قلت لكم .. كنت
باشوف السفير السوفيتي لمدة ثلاث سنوات من ٦٧ الى ٧٠ كل
يوم اثنين وبنقعد ساعتين نقيس في الموقف وبنحل جميع المشاكل
لان احنا ملناش غير الاتحاد السوفيتي في ذلك الوقت خالص ..
تسكلم وياه ويساعدنا ويدينا سلاح .. قالوا بدجورني جاي لك
في مايو .. يجي .. وفوجئت انه جه أول حاجة يطلبها مني
عاوزين نعمل معاهدة .. طيب ده أنا عبد الناصر بعني لكم
مرتين باطلب معاهدة .. ورفضتم .. عبد الناصر في آخر رحلة
في يونيو ٧٠ قبل ما يقبل مبادرة روجرز على الترابيزة الكرملين
.. قال لهم يا جماعة اذا كنتم عازين تتطمئنا اعملوا معاهدة
معايا أمضيها معاكم دلوقتي .. قالوا له لا .. طيب ماتتوش
عازين معاهدة .. خلوه حلف أمضيه معاكم دلوقتي .. لا ..
برضه .. قال لهم طيب أنا قبلت مبادرة روجرز .. على الترابيزة
فوجئت في مايو .. جاي لي يقول لي ، المعاهدة .. قلت له
التوقيت مش سليم .. استنى لما تعاد انتخابات الاتحاد
الاشتراكي كلها ويجتمع المؤتمر القومي في ٢٣ يوليو ٧١ وتعالى
وقدام المؤتمر القومي كله نعمل المعاهدة .. وبعدين .. الحاجة
الغريبة .. اتم اشمعني دلوقتي وافقتم على المعاهدة ، مع ان
أنا مرتين أروح لكم ، وعبد الناصر آخر مرة كان عندكم السنة
اللي فاتت في ٧٠ قبل ما يموت شهرين .. قال لكم معاهدة ،

قلت لا .. قال لكم طيب حلف علشان تتطمئنا أكثر ، قلت لا ..
قال يعني الغرب دلوقتى يتكلم وشمتان فينا .. وموقفنا ..
واحنا والمكتب السياسى خد قرار .. وفوضى اتنى أعمل معاك
معاهدة .. و .. و .. و ..

قلت له طيب أنا بتت لك .. مش ده الكلام الللى أنا بعته لكم
.. أنا بتت لكم قبل ما أصفى الناس دول .. قبل ما أصفى على
صبرى بالذات من أكثر من شهر ونصف .. بتت لكم رسميا
وقلت لكم الجدد ده لن يصلح ولن يستمر فى القيادة .. لاني
لا أسمح بالصراع فى المرحلة الللى بتمر بيها البلد دى .. نختلف
فى رأى معلىش .. لكن نتصارع لا .. وده عاوز صراع .. فانا
بتت لكم وقلت لكم اوعوا تفكروا دى ضد الاتحاد السوفيتى
.. مع ان ده أمر داخلى يخصنى .. ما كانش لازم أقول لكم
عليه .. لكن أنا حريص عليكم وعلى صداقتكم .. بتت لكم
قبلها بشهر ونصف .. وقلت لكم اوعوا يقولوا لكم الغرب ..
ويطلع بالصورة انه رجل موسكو الاول فى مصر اتصفى ..
و .. و .. و .. تقوموا انتم تفكروا انه خلاص .. لاه انتم
بتعاملوا معنا احنا كحكومة مش مع أفراد .. مش الكلام ده
راح لكم قبل شهر ونصف .. قال لى : آه .. قلت له طيب
يعنى ايه لزوم المجلة فى عقد المعاهدة .. طبعا بتورى .. المعنى
الللى وراء هذا واضح .. قلت له أنا رأى لا .. تستنى لغاية
يوليو .. بكل الاساليب والطرق لا .. وموقفنا .. واحنا
أصدقاء .. واحنا حلفاء .. والغرب دلوقتى .. وكذا .. وكذا
.. قلت له ميش هى دى المشكلة .. وهو ده الللى يحفظ صداقتنا
.. قال لى آه ، قلت له خلاص وهو كذلك نعمل المعاهدة ..

وندهت لمحمود رياض .. جهزوا يا رياض واعملوا لنا معاهدة
.. مع الاتحاد السوفيتي .. وعملنا المعاهدة قبل ما يسافر وهو
في المطار .. قلت له أنا ماليش غير كلمة واحدة أقولها لك وانت
مسافر دلوقتى بلغها لبريجنيف وكوسيجين زملائك .. الثقة ..
الثقة .. الثقة .. ثلاث مرات .. الاسلحة اللي أنا كلمتكو عليها
في مارس .. ميش أن الاوان بقى .. قال لى لا خلاص .. عد
أربع أيام بعد وصولى .. الخامس سيكون عندك كل اللي انت
عايزه .. آه !! يا دار ما دخلك شر ..

وانعقدت المعاهدة .. وشعبنا الحمد لله بفطرتة وبوعيه فاهم
.. ومشيت .. فات أربع أيام .. فاتوا خمس أيام .. فات
شهر .. فات اثنين .. فات ثلاثة .. جه يوليو .. حصلت
حوادث السودان .. الثورة الشيوعية اللي قامت في السودان
.. خدنا منها موقف .. ساء الموقف .. ساء العلاقات أكثر
ما هى سيئة .. وأنا باعمل على انى أجعلها .. معاهدة ، قال لى
.. قلت له ما فى مانع .. اذا كانت دى اللي بتحل .. قوى ..
نعمل معاهدة ..

موقفنا من عملية السودان .. زود اللي فى العلاقات ..
فضلوا قاطعين .. ما يردوش على أى شىء أبعتة أبدا .. اطلاقا
.. لا بخير ولا بشر لغاية أكتوبر .. من مايو يوم كان عندى
لغاية أكتوبر .. فى هذا الوقت أنا لما جه وعملنا المعاهدة ..
وقال لى الحاجة جاية لك .. كل شىء .. أنا أعلنت ان دى سنة
الحسم .. واحنا لن نسمح أن الموقف يتجمد .. لان احنا فى هذا
الوقت أسقطنا مبادرة روجرز وكان علينا يا تقبل الوضع اللي
احنا فيه وقاعدين لا سلم ولا حرب واسرائيل قاعدة لنسا فى

الضفة الشرقية واحنا قدامها في الضفة الغربية وتقبل الوضع ده
 .. يا اما نحركه .. ما يتحركش أبدا الا بمعركة .. فلما قال لى
 .. أعلنت أنا انها سنة الحسم - سنة الحسم - سنة الحسم -
 سابونى لغاية أكتوبر ، وبعثوا قالوا : أخيرا القادة السوفيت
 مستعدين يقابلوك يوم ١١ و ١٢ أكتوبر ٧١ ، أنا الدم يغلى في
 رأسى كان - أنا كنت هناك في مارس - قلت حاضر باروح ..
 وعدم الرد على ، والاهمال اللى بيعملوه ، وعملوها قبل كده مع
 عبد الناصر .. وأنا حكيت قصتها قبل كده .. عملوها مع عبد
 الناصر سنة ٦٧ ، بعد ما بعثوا لنا النجدة الاولى من الاسلحة
 عملوا نفس الحكاية .. بيعت ما يردوش عليه .. عبد الناصر
 فقه أعصابه فعلا أيامها وكان عندنا تيتو يوم ١٠ أغسطس ٦٧ .
 .. قال له تطلع من هنا .. من عندى هنا في الاسكندرية وتروح
 لهم هناك وتقول لهم : أنا لا أقبل هذا الاسلوب واللى يجرى
 .. يجرى .. أبدا .. الاهمال وعدم الرد ده .. ده اللى حصل
 لمبد الناصر سنة ٦٧ ، كتمت الفيظ ورحت في ١١ و ١٢ أكتوبر
 .. ليه يا جماعة كده ؟ معاهدة قتلوا .. عملنا المعاهدة .. أربعة
 أيام استنيت مافيش .. أبعت لكم بعدها ، شهر ، اثنين ، ثلاثة ،
 أربعة .. دخلنا في أكتوبر .. على ما قتلوا تصالى لأخلاص
 احنا العلاقات بيننا لازم تكون كذا .. ولازم تكون كذا ..
 وكذا .. وكذا .

طيب أنا أعمل ايه دلوقت في سنة الحسم .. قالوا : قول لنا
 افنت قلت ليه سنة الحسم .. ليه !! عايز أحرر أرضى ، وعايز
 أحرر بلدى ، وان فضلت أنا نايم على كده .. ده أحسن وضع
 عايزينه اليهود وعايزاه أمريكا .. انى أفضل في الوضع اللى أنا

فيه لغاية ما أنهار .. والدعاية بقي ، واحنا نفسنا كعرب من
داخلنا للأسف .. كانت الانهزامية راكبانا ، واللى يكتبوا واللى
يحللوا .. شىء مؤسف حقيقة . مع انه مفروض فى وقت الازمة
اللى زى دى الكل يتجه الى الصمود .. لكن الانهزامية فى كل
مقال وفى كل تحليل .. فى كل العالم العربى ، والثقة بتنهار
وتتهاوى بشكل رهيب .

قلت لهم لازم .. قمت علشان أحركهم شوية قلت لهم اتوا
فاكرين التمتاشر طقم بتوعكم بتوع سام ٣ اللى جه عندنا فى
فبراير ومارس ٧٠ بناء على طلب عبد الناصر .. قالوا آه ..
قلت لهم : التمتاشر طقم بتوعنا ادربوا بقى لهم دلوقت ييجى سنة
.. وجاهزين ، واحنا مستعدين بقى نستلم مواقع سام ٣ ،
واسحبوا خبراءكم والعساكر والضباط بتوعكم اللى يشغلوها
.. واحنا متشكرين .. صحيت المناقشة على طول .. على طول
.. وبريجيف قال : ده وضع حياثر علينا قدام العالم ، وده
وجود سوفيتي - أهه - ده حاجة جديدة طلعت .. وجود
سوفيتي .. يعنى اللى يخش ما يطلعش .. ايه وجود سوفيتي
.. وايه حياثر على ميزان القوى فى العالم وايه حياثر .. وايه
.. وايه .. قلت له : والله أنا عندى كلام .. اسحبوا التمتاشر
طقم بتوعكم ، وأنا التمتاشر طقم بتوعى جاهزين للاستلام فوراً
.. قال لى : طب مانديك تماشر بطارية للتمتاشر طقم بتوعك
.. قلت له أهلا وسهلا . وخذت تماشر بطارية .. وفضل
الوجود السوفيتي .. قلت له انت بتدور على الوجود السوفيتي
.. أنا ما عندى مانع أبداً .. بس ادينى الاسلحة بتاعتى .. أنا
مش خايف من وجود سوفيتي عندى .. أبداً .. ادينى بس

الاسلحة بتاعتى .. قال لى حنديدك كل حاجة .. و .. و ..
 وفى نهاية المقابلة زى مارس بالطبط ، وزى العادة مع كل الزبائن
 يروح مطلع الورقة .. قررت الحكومة السوفيتية تزويدكم
 بالاصناف الآتية وقبلتها .. قبلت .. السلاح طب حيجينى امتى،
 وأنا حددت السنة دى سنة الحسم .. قالوا اجنا فى أكتوبر ..
 ييجى لك على طول قبل آخر السنة .. طيب .. أنا رجعت وقلت
 سنة الحسم ماثية .. وفضلنا ماشيين .. فات أكتوبر كله ،
 ١١ و ١٢ أنا كنت هناك ، فات أكتوبر كله .. جه نوفمبر وفات
 كله .. جه ديسمبر .. ولا خبر .. ولا المركب جاية امتى ..
 ولا حتوصل امتى، ولا أصناف ايه اللى جاية فى الاول، ولا حاجة
 أبدا .. وجينا ديسمبر .. يوم ٨ و ٩ ديسمبر بدأت معركة الهند
 وباكستان .. والاتحاد السوفيتى طرف فيها .. ووضح لى أن
 الاتحاد السوفيتى طرف حايش .. وبعدين معركة فى الهند
 وباكستان .. وحابتدى أنا عندى معركة هنا .. والمعركة ايه
 دا السلاح كان مفروض يجيلى .. دخلنا ديسمبر ولا وصلش
 حاجة .. أنا كنت عاوز فى أكتوبر ونوفمبر توصلنى .. على
 ما توصل ديسمبر .. يناير بالكثير أكون دخلت المعركة .. دى
 سنة الحسم .

وضح بعد ما ابتدئت معركة الهند وباكستان .. والاتحاد
 السوفيتى طرف فيها وطلبوا تسهيلات معينة منا ادينا لهم ..
 وضح أنه خلاص راحت سنة الحسم .

فأنا بعث بحسن نية يعنى .. تدهت السفير السوفيتى ..
 قلت له دلوقتى سنة الحسم، بيدع معركة الهند وباكستان خلصت
 .. لانه حتى لو وصلنى كل الاسلحة اللى اتوقايلين عليها



دلوقتى .. مش حالقى ابتدى الا فى الربيع اللى جاى، دلوقتى لازم نشوف لنا طريقة احنا الاثنين نخرج بيها من هذا المأزق .. وأنا مش عارف ان العملية متعمدة من جانبهم .. أنا فاهم انه يعنى اتورطوا أو حاجة .. والله تقول للقادة السوفيت أنا مستعد أسافر لهم فى ديسمبر هذا ونطلع صيغة بيان نعطى ييه سنة الجسم .. أتم واحنا ..

الكلام ده كان يوم ١٠ ديسمبر ٧١ فات ٢٠ ديسمبر و ٢٥ ديسمبر ، ٢٧ ديسمبر ، ٢٨ ديسمبر جالى السفير السوفيتى .. ايه .. القادة السوفيت مستعدين يقابلوك ١ و ٢ فبراير ٧٢ .. طيب أنا .. دا أنا قصدى من العملية دى قبل ١ و ٢ فبراير دخلنا سنة ٧٢ ، فى الوقت ده ، لو تذكروا أحداث الطلبة ايه - القيادة الانفrazمية - الحلول التصفية - الكلمات اياها دى

كلها .. المظاهرات .. احتلوا المبنى بتاع المجلس الاعلى
للبامعات وكونوا لجنة الطلبة العليا علشان العملية خلاص اتتهت
.. و .. وكان بيتزعم كل هذا اليسار زى ما أتم عارفين ..
طبعا .. كتمت غيظى .. ورحت خطبت فى مجلس الشعب
وغطيت موقف الاتحاد السوفيتى اللي كاشفنى .. ورحت فى
١٠ ، ٢ فبراير وأول سؤال سأله وانا معاها على الترايزه .. انه
نغضى موقفنا بتاع سنة الحسم .. واللى جرى قدام العالم ..
وقدام بلدنا هنا .. وعامل حسابى ان بلدنا يصدقنى .. لما مش
يحصل الحسم حيعرفوا مين اللي عمل هذا ..
وده اللي حصل فعلا فى اوائل ٧٢ لو تذكروا .. كانت البلد
كلها ضد الاتحاد السوفيتى .. مما خلانى أروح مجلس الامة
رسميا واخطب والخطبة متسجلة وموجودة فى الجرايد ..
وادافع عن الاتحاد السوفيتى ، بل وانذر كل مسئول يشغل
معايا أقول اللي قابل يشغل معايا على هذا قابل واللى مش قابل
يتفضل يمشى يستقيل .. وانا فى قمة الغليان ماقدرتش اقول له
حاجة .. ماهماش جاهزين .. مواعيدهم مش جاهزة مين اللي
آخر الاسلحة .. ليه تعملوا فى كده .. هو انا صديق ولاعدو ..
دا ما يتعملش فى عدو .. لما اتم عندكم اتفاق أو عارفين انه فيه
حاجة تحصل فى ديسمبر بين الهند وباكستان وكانت انديرا
غاندى وقتها .. وقت انا ماكنت عندهم كانت بتلف العالم كله
وتهيا العالم للمركة .. ولت العالم فعلا كله ، وهيات العالم
للمركة قبلها بشهر ونص .. طبعا كان الاتحاد السوفيتى عارف
١٠٠٪ لانه كان طرف فيها .. وبعت امدادات للهند .. لما اتم
عندكم ضمير .. ولا احنا حنكون متورطين فى عملية ثانية ..

□ سألت بريجنيف .. لماذا لم ترسلوا ما وعدتم به ؟
فأجاب أنه مشغول بسبب الروتين !

□ جاء المارشال جريتشكو إلى مصر في معركة استعراضية
لكي يكسبوا بها أمام نيكسون في مباحثاته في موسكو
وفرحت الهند .. ومع ذلك قبلت .

□ طلبوا أن أسافر إلى موسكو لمدة ٢٤ ساعة .. لكي
يستغلوا زيارتي في مباحثات نيكسون .. وفرحت
ومع ذلك قبلت .

□ قلت لهم : الحل السامي مستحيل ما لم يتحرك الموقف
العسكري . وضربت لهم مثلا بجماعته في فييتنام .
وأقرني بريجنيف .

□ فوجهت بالبيان المشترك عن مباحثات بريجنيف - نيكسون
وأرياهم حالة الاسترخاء العسكري في المنطقة !

□ هذا يعني أن تبقى أرضنا محتلة .. وإسرائيل متفوقة عسكريا
والسوفييت لا يوفون بتعهداتهم .

□ ردّ علينا السوفييت بعد شهر كامل .. ولم يشيروا
بكلمة واحدة إلى ما عدوا به من أسامة!

□ خمسة أسطر في نهاية ردّ السوفييت تقول :
«أما عن المعركة ، فهذه مسألة لنا خبرة كبيرة
فيها .. والإعداد لها أمر خطير جدا».

□ رفضت خطاب الزعماء السوفييت في ٨ يوليو واتخذت
قرارات إخراج الخبر السوفييت .

□ البعض كتب أنه كان يجب أن أتصل بأمريكا ، لكي آخذ
ممن هذه العملية .. وأنا أقول السياسة أخلافة .
وأنا لا أطلع صديقا من الظهر .

□ قلت للسوفييت : إن العملية مصرية .. وإرادة مصرية ..
فوافقوا بعد ٨ أشهر على صفقة أسامة .

□ أعطيت تعليماتي إلى القوات المسلحة في أغسطس ١٩٧٢
أن تعد نفسها للمعركة ..



□□ سألت هذا السؤال .. رد برجينياف على طول قال انا المسئول ..
.. له .. قال الروتين اللي عندنا .. الروتين والاداة الحكومية
و .. و ..

قلت له يعنى مع عدم اقتناعى بهذا - انما اهو - فى المستقبل
بقى .. ان ده اذا تكرر حاحط له حد .. حيبقى نقطة خطيرة ،
نقطة تحول خطيرة فى علاقتنا .. ده فى ١ و ٢ فبراير ٧٢

دى ثالث مرة بقى ، ١ و ٢ مارس ١٩٧١ و ١٢ أكتوبر ٧١
١ و ٢ فبراير ٧٢ ثلاث مرات انا جيت لكم آهو .. انا باقول لكم
فى المرة دى اذا تكرر هذا حيبقى نقطة تحول فى علاقتنا ابدأ مش
يحصل .. كوسيجين رئيس الوزارة قال انا بنفسى حاشرف
على امداداتكم وحاتولاها لان ده روتين وده .. وده وده ..
قلت طيب .. وبرضه طلّعوا الكشف فى آخر الاجتماع والاسلحة
الى همه عايزين يدوهاالى مش الى أنا باطلبهسا .. وقبلت
وجيت ..

في هذا الوقت اتحدد أول مقابلة أو لقاء بين أمريكا والاتحاد
السوفيتي واتفق على أن يزور نيكسون موسكو في مايو ٧٢
نتيجة سياسة الوفاق اللي عملها كوسيجين •

قلت استنى •• أسلحة أيام ما كان لنا بطاريات في الصعيد
أتم فاكرين وكان فيه مؤتمر الحزب الشيوعى في ٣١ مارس
ما بتعش البطاريات الا بعد ما انتهى الحزب •• قلت والله
يادى المصيبة •• مش حيعتوا لى سلاح الا لما تتم المقابلة بتاعتهم
همه ونيكسون في موسكو لان همه ما يحبوش في الاوقات اللي
زى دى زيارة عندهم أو همه يعملوا زيارة أو حاجة وحيجى
بعدين في كماله التاريخ وأحكى ازاي •• كان ده طريقهم
وأسلوبهم دايمًا •• قلت لما نشوف ••

في أواخر ابريل بعثوا لى جريتشكو قبل ما يروح لهم نيكسون
بحوالى عشرين يوم •

بعثوا لى جريتشكو وزير الدفاع وجه هنا في مطار غرب
القاهرة وجاى مجهز ببيان معاه من اللجنة المركزية ويقول لى
احنا مجهزين ببيان وجاب ، وجاب معاه طيارة اسمها سوخوى
١٧ •• وكان عندنا أربع طيارات الفوكس باك اللى حكيت لكم
حكايته في الاجتماع اللى فات • والبيان جاى أن روسيا زودت
مصر بقاذفات بعيدة المدى وأسلحة جديدة وكذا وكذا ••
وعايزين يقرأوا لى البيان •• قلت لهم ماتقروش ، عاوزين ايه ؟
قالوا عاوزين البيان •• قلت لهم طلعهوه •• أى شيء فيه أنا
مه افق •

هو كانت العملية عملية انه قبل ما يزورهم نيكسون في
موسكو يوروا انهم يفتي لهم وجود ولهم كذا في الشرق
اللاوسط ولهم قوة ..

في أواخر ابريل بعد ما مشى جريتشسكو فوجئت بالسفير
السوفيتي طالب يقابلني .. لي ٩ قال القادة السوفيت عاوزينك
٢٤ ساعة في الكرملين لمدة ٢٤ ساعة ضروري جدا وكنا في أواخر
ابريل .. طبعا واضح المسألة انه عايزني أروح أسافر هناك يعني
ولما يجي نيكسون بعدها يبقى نيكسون عارف ان مصر في
الفلك الروسي وكان هنا ويرغم اني رحى ثلاث مرات في أقل من
سنة ، الرابعة أهه و .. و .. و .. قلت له أنا ما كنت عندكم
ثلاث مرات ، ده مفروض دلوقت اتمم اللي تردوا الزيارة ..
قال لي القادة بالطول بالعرض ٢٤ ساعة بس مافيش غيرهم ..
ليب ..

سافرت ورحت في أواخر ابريل قبل مايو وقلت .. الاتحاد
السوفيتي عاوز ياخذ بيها منظر على أمريكا زى بعضه مافيهاش
حاجة .. صديقتا .. وصلت وقعدنا حللنا .. في هذا الوقت
كانت فيتنام عملت الهجوم الكبير اللي ابتدا في أول يناير ٧٢
.. وكانت أمريكا رافضة تروح مؤتمر باريس وانسحبت منه
.. فلما قام الهجوم الكبير في أوائل ٧٢ وكان هجوم ساحق
اضطرت أمريكا تغير سياستها أمام الامر الجدد الواقع ..
ورايت مرجعة مندوبها تاني لباريس ورجعت مؤتمر باريس تاني
وتجددت زيارة نيكسون لموسكو في مايو فهو هو ده كان مجال

حديثي مع القادة السوفيت في القعدة دي قلت لهم مثل قدامكم
أهوه .. أمريكا سابت مؤتمر باريس وانعطرت وانسجت ولما
اتعمل الهجوم الكبير في أول يناير . واحنا بقى لنا دلوقت في
فبراير أربعة أشهر أهوه غيرت أمريكا أمام الامر الواقع وأمام
التحرك العسكى .. اضطرت انها تغير وترجع مؤتمر باريس
.. مش بس كده .. ونيكسون يبجي لكم موسكو كمان وهمه
عارفين ان الهجوم الكبير ده كله بسلاح سوفيتي .

قلت له ان المسألة مش حاتنتهى زى ما قلت لكم ميت مرة .
همه .. ما فيش في راسهم غير الحل السلمى ..

طيب .. قلت له حتى الحل السلمى مش حايجي بدون
ما نحرك الموقف عسكريا .. بدون معركة ما فيش فايده .

وأدى أكبر مثل أمامكم .. فيتنام .. بريجنيف قال أنا متفق
معاك في هذا التحليل تماما . قلت له : انت متصور نيكسون
حايجب حاجة الدور ده ؟ .

ده سنة ٧٢ كانت سنة الانتخابات أيامها والرئيس الامريكى
في سنة الانتخابات ما يقدرش يحل ولا يربط حاجة علشان
ما يقيدش الرئيس اللي يبجي بعده . ده تقليد في الولايات
المتحدة .

حايجصل حاجة . اتفقنا انه موقف أمريكا يا اما هيكون
سئى يا اما هيكون الى الاسوأ . مش هيكون كويس . وجيت

قمدت ٢٤ ساعة هناك فعلا وجيت • انما المهم هو الاعلان ان
السادات رئيس مصر كان عندهم قبل نيكسون ما يروح لهم •
أ • حاضر رحت وخلص انتهى • وجه الاجتماع — اتفقنا كان
بقه أنا وبريجيف •• انه بعد ما اتفق معايا في التحليل انه لن
يحدث لا حل سلمى ولا غيره الا بالتحرير وبمركة عسكرية •
وده أكبر مثل فيتنام بعدما اتفق معايا ١٠٠٪ على هذا • اتفقنا
على — قلت له بعد ما يسافر نيكسون حيبقى أمانا خمسة أشهر
لغاية الانتخابات الامريكية — الاصناف اللي ناقصانا واللى من
أيام عبد الناصر بنصرخ عليها ، اعملوا معروف ابتعوا نى علشان
بعد ما ينتخب نيكسون ويعيد انتخابه أو جه رئيس جديد بداله
نبقى جاهزين ، تتكلم من أرضية ثابتة ، ولن يحترمنا الامريكيون
•• ولن يحترمنا اليهود الا اذا كانوا عارفين قوتنا ايه ، واللى
بيجى لنا ما بيخفاش على حد ••

زى اللي بيجى لاسرائيل ما بيخفاش علينا • اللي بيجى لنا
ما بيخفاش كمان على اسرائيل • تتكلم من موقع القوة • اتفقنا
على هذا ورجعت في أواخر ابريل جه ٢٠ مايو •• راح نيكسون
•• المفروض بيعتوا لى زى ما اتفقوا معايا • قالوا لى نبعت لك
نتيجة الزيارة • ولكن الاتفاق الاساسى انه في الخمسة أشهر
التالية ما نضيعش دقيقة • ويبيعوا الامداد اللي كان عبارة عن
٧ نقط حطيتها لهم هناك •

جه نيكسون بعد أسبوع سافر •• فوجئت بالبيان اللي صدر
عن الزيارة •

البيان يقول ايه : العمل على الاسترخاء العسكري في المنطقة
أمريكا وروسيا اتفقوا على الاسترخاء العسكري في المنطقة .
الله .. استرخاء وأنا ١٠ - ١٥ خطوة وراء اسرائيل ؟ طب
ما هو يبقى الوضع جيمشي من سيء الى أسوأ استرخاء عسكري
وازاى الاتحاد السوفيتى يوافق على كلمة استرخاء عسكري
.. ده الكلام ده لما يكون أنا واسرائيل على قدم المساواة فى
التسليح ، وما أكونش كمان أرضى محتلة .. يقوم يتكلموا
على استرخاء .. انما استرخاء عسكري وأنا متأخر عشر خطوات
وراء اسرائيل وأرضى محتلة واسترخاء عسكري .. يعنى تفضل
أرضى محتلة على طول .. أنا فقدت صوابى تماما وكانت دى
بقى زى ما يقولوا عندنا فى المثل ((القشة التى قصمت ظهر
البعير)) .. كل اللى فات وحكيته ده كله شىء واللى استحصلته
فى الحسم وفى غيره وفى ده كله وفى الاسلوب وفى المعاملة وفى
الطريقة وفى التجاهل .. كله حاجة ودى كانت شىء استرخاء
عسكري .. قلت أستنى يجى لى البيان بتاعهم .. جالى البيان
بعدها بأسبوعين .. الله ده أسبوعين ضاعوا ، ده احنا متفقين
الخميس أشهر يادوبك لفاية نوفمبر على ماتيجى الحاجة ..
وأجهز نفسى وأدرب أولادى عليها وأجهز .. بعد أسبوعين جانى
البيان وزى ما اتفقنا أنا وبريجنيف .. مافيش شىء جديد فى
موقف أمريكا .. وتحليل السوفيت ان موقف أمريكا ما فيهش
جديد .. وانهم أقتعوا الامريكان بتنفيذ قرار ٢٤٢ .. يا سلام
.. الاسترخاء العسكري وتنفيذ قرار ٢٤٢ ، جانى السفير

السوفيتى بالرسالة قلت له طيب خذ رسالة منى بقى ، احنا متفقين انه فى الخمس أشهر اللي جاية مانضيعش يوم .. تبعولى عشان فى نوفمبر بعد ما ينتخب الرئيس الامريكى تحس اسرائيل وأمريكا ان احنا بنتكلم من موقف القوة .. ان كانوا سلمييا عايزين يحلوا أهلا وسهلا .. ماكانش نبقى جاهزين للمعركة .. راح السفير السوفيتى وبعث لهم هذا .. وقولوا لى بقى .. أنا بحسن نية .. قولوا لى بقه مواعيد المراكب والعتاد امتى عشان أجهزة نفسى وأجهز الناس وأخلي ميناء اسكندرية عشان الخمس أشهر اللي جاين .. راح السفير السوفيتى شهر ، ٣٠ يوم كاملة .. أسبوعين بعد زيارة نيكسون وأدى شهر يبقى شهر ونصف من الخمس أشهر .. بعد شهر كامل جالى بالرد .. وزى ما توقعت أنا تماما .. الرد مفهش أى شىء عن البنود السبعة اللي اتفقنا عليهم يبعثوهم لى .. ولا عن اتفاقنا اللي فيه خمس أشهر وهايبتولى العتاد .. ولا تواريخ مراكب .. ولا أسلحة ولا حاجة أبدا انما كله كلام .. الجواب صفحتين ونصف .. صفحتين وربع منه كلام عن جهود الاتحاد السوفيتى فى اقناع الأمريكان بالحل السلمى .. وازاى انهم مع حقوق العرب ولا بد من الانسحاب .. كل الكلام ده .. والموقف .. الشىء اللي منتهى التطرف .. الله .. طيب وانا جانى ايه من الكلام ده أنا عايز تواريخ المراكب .. والأسلحة والخمس أشهر، والاتفاق اللي احنا متفقين عليه .. والتحليل اللي حللناه سوا .. ولا حياة لمن تنادى .. صفحتين وربع كده .. وخمس أسطر آخر الجواب .. أما بشأن المعركة فدى مسألة احنا لنأخذ خبرة كبيرة جدا فيها ، ودخلنا المعارك والتجهيز لها والاعداد لها أمر

خطير جدا وأى شيء مما يستفاد منه أنه لا هتقدروا تعملوا
معركة ولا حاجة في خمس أشهر . ولا ذكر لا المراكب ولا خمس
أشهر ولا اتفاق .. ولا أسلحة .. ولا .. ولا ..

في هذا الاجتماع اللى كان في ٨ يوليو اتخذت قراراتى اللى
انتم عارفينها .. بعد ما قرأ لى الجواب .. وقعدت الصفحتين
وربح باسمع وبعدين الخمس أسطر الاخيرة اللى الكلام عن
خطورة المعركة .. وان هو يفهم فى المعركة .. وان احنا ما معناه
ان احنا ما نفهمش فيها .. وان ده موضوع يعنى خطر جدا و ..
و .. و .. بعد ما خلصوا الخمس اسطر .. قلت له .. وسكت
.. قلت له الله !! .. ده الجواب .. قال لى آه .. قلت له طيب
فين الباقي .. ففين الكلام عن الاتفاق اللى بينى وبين بريجنيف ..
فين الاسلحة .. ففين اللى اتفقنا عليه .. قال ده هو الجواب بس ..
قلت له طيب خد قراراتى بقى بلغها للقيادة السوفيتية .. أنا بأرفض
هذا الخطاب شكلا وموضوعا .. وبأرفض التعامل واسلوبكم
معايا اللى حذرتكم فى فبراير منه شكلا وموضوعا .. وبأرفض
هذا الاسلوب ..

واسمع القرارات دى .. الخبراء السوفيت بتوعكم بعد
أسبوع يروحوا .. منشآت تتسلم للمصريين أو فوكوها وخدوها
.. أى شيء هنا موجود ياتبعوه لنا .. يا تسحبوه وتأخذوه ..
وميش غايز خبراء سوفيت .. والكلام ده كله فى بحر أسبوع
يتنفذ وحددت التاريخ .. وزير الحرية بكره حياخذ خبر بهذا
.. واعملوا حسابكم .. ده أنا فى سنة ٧٢ لسه من الخمس سنين
المعجاف .. الراجل ما صدقش فى الاول .. قلت له دى رسالة

رسمى تبلغها .. وكان قاعد معايا مستشار الامن القومى بتاعى
حافظ اسماعيل قلت له سجل كل حاجة قدامه .. وفعلنا تانى يوم
بلغت وزير الحرية ..

وفى الاسبوع كان هم حاولوا بقى فى وسط الاسبوع
يلموا .. كانوا فاكرينها تهويشة .. فحاولوا يحلوا .. بعثت لهم
رئيس الوزراء عزيز صدقى .. برضه قبل انتهاء الفترة اللى هى
اسبوع .. برضه حرصا عليهم وعلى الصداقة السوفيتية .. قلت
له روح لهم وقل لهم قراراتى نهائية انما ممكن نطلع بيان سوا
نقول فيه ان الحكومتين اتفقوا ان مفيش داعى لوجود الخبراء
أدوا مهمتهم وخلاص ومصر بتشكرهم على ما أدوه .. يقوم
يفعل الوضع بتاع الاتحاد السوفيتى أمام العالم وكل حاجة ..
أنا مريض عليهم .. وراح لهم عزيز صدقى وهو رئيس وزارة
وقال لهم هذا الكلام .. قبل انتهاء المدة بيومين .. رفضوا وقالوا
.. لا .. ما نعملش بيان مشترك طلعه من جانب واحد ..

كل ده للتاريخ بأقول لكم علشان تحفظوا تاريخ القضية كلها
.. رجع لى عزيز يوم الاثنين خلص تنفيذ القرار .. يوم الثلاثاء
جيت للجنة المركزية هنا .. برضه مؤتمر مشترك بين اللجنة المركزية
ومجلس الشعب وأعلنت فيه الكلام ده كله .. وأعلنت أنه فعلا
تم تنفيذ القرارات .. وفعلنا كان تم تنفيذ القرارات .. بهذا بقى
دخلنا فى مرحلة جديدة فى علاقتنا مع الاتحاد السوفيتى .. فى
هذا اليوم بالذات .. ثانى يوم أنا عملت هذه القرارات مع السفير
السوفيتى يوم ٨ يوليو ، يوم ٩ يوليو كان عندى هنا الرئيس
حافظ الاسد راجع من موسكو .. القرارات ما كانش حد يعرف

عنها حاجة الا بعد ما انتفدت في نهاية الاسبوع ، لما جاني حافظ
الاسد تاني يوم ، يوم ٩ من موسكو ، حكيت له ، وقلت له القصة
حصل كذا وكذا بيني وبين السوفيت وأنا أصدرت القرارات التالية
وحاتنفذ يوم الاثنين المقبل ..

قال لي .. طيب وايه الموقف دلوقتى بالنسبة لنا ؟ قلت له :
انت جيت سلاح منهم ؟ قال لي : آه .. قلت له .. خلاص ..
خلي علاقتك بيهم .. ما فيهاش حاجة .. سافر الرئيس حافظ
الاسد .. أعلنت زى ما قلت لكم بعد اللجنة المركزية هنا .. قامت
قيامة السوفيت في العالم .. بعد ما رفضوا انه يطلع بيان مشترك
عشان نغطي ونشكر فيه الخدمة والخبرة السوفيتية تمام ..
رفضوا .. طلعت العملية في العالم .. هاج .. اتقلب العالم ..

البعض هنا كتب وقال انه كان حقى أنا اتصلت بأمریکا غلشان
أخذ ثمن هذه العملية ، أنا باحب أقول رأيى بانتهاز الفرصة دى
وأقول لكم اذا كان البعض ييفتكر أو الشئ العام اللى في العالم
ان السياسة ليس لها أخلاق .. أنا بالنسبة لى .. الاخلاق
لا تتجزأ .. كان يبقى عمل أنا باعتقد أنه لا أخلاقى لو أنا جيت ،
أصدقائى السوفيت طعنتم في ظهرهم ورحت اتفتت مع
الامريكان على دى .. لا وقلت حايعرفوا .. هم طبعاً في الاول
قطعوا ١٠٠٪ ان أنا متفق مع الامريكان عليهم ..

وقلت حايعرفوا دلوقتى .. وحايعرفوا بيتعاملوا مع مين ..
أنا عندي الاخلاق لا تتجزأ .. ولا أطعنش في صديق أنا أديله
صدمة كهربائية صحيح ، لكن ما أطعنوش وأقول له .. اصحى



.. فوق معايا .. لكن ما أطعنوش أبدا لانه وقف معايا في ساعة
الشدة ..

ثبت لهم بعد ذلك بثمانية أشهر وعقدوا معاينا صفقة أسلحة بعد
ذلك بثمانية أشهر بعد ما اتأكدوا انه لم يكن أبدا هذا العمل طعنة
في ظهرهم أو عمل لا أخلاقي وأنا .. سواء في السياسة أو غير
السياسة .. بأحب انكم تبقوا عارفين .. أنا باقول الاخلاق
وحدة لا تتجزأ في السياسة أو غير السياسة ، مسألة الخلق
لا تتجزأ .. أبدا .. مهما كان فيها من شطارة لانه في النهاية
لا يصح الا الصحيح .. واللى ييكسب هي الاخلاق .

طلعت القرارات .. قامت القطيعة بيننا وبين الاتحاد السوفيتي،
قطيعة .. كاملة .. معنا بعدها .. أدبت تعليمات انه القوات

المسلحة بما عندنا من أسلحة في أغسطس ٧٢ ، بما عندنا من
 أسلحة تكون جاهزة في نوفمبر ٠٠ وندهت أمين الاتحاد
 الاشتراكي وكان أيامها الاخ سيد مرعى وقلت له انه في نوفمبر
 لازم نكون جاهزين للتحرك ٠٠ وندهت ممدوح سالم ٠٠ كان
 ماسك المقاومة الشعبية الى جانب عمله كنائب رئيس وزارة ووزير
 داخلية وقلت له يا ممدوح ٠٠ على نوفمبر الجاي نكون جاهزين
 بما لدينا من عمليات في الدفاع الشعبى ٠٠ لانه هو كان ماسك
 الدفاع الشعبى كله وفي ٧٣ كان ماسكه أيضا ٠٠ وندهت حافظ
 اسماعيل مستشار الامن القومى وقلت له : تروح تجهز نفسك
 ٠٠ الامريكان لا بد حايصلوا بنا ٠٠ لان القرار قد كده خطير
 ٠٠ حايصورو انهم يعنى ٠٠ حايصورا يمكن ان احنا في سبيلنا
 لشيء ، حايحاولوا يستكشفوا معنا فجهز نفسك بالبدائل عاشان
 نشوف ايه اللي يمكن ان احنا نعمله بعد انتخابات الرئيس
 الامريكى لان دية سنة انتخابات وموش حايعملوا معنا حاجة
 الامريكان ، وفعلا ٠٠ ما مرش اسبوعين الا لما كان كيسنجر باع
 ويقول عايز يقابل حد من عندنا يتكلم وياه ٠ بعد القرارات
 بحوالى ثلاثة أو أربعة أسابيع ٠

□ جهاز أكتوبر .. اليساريون حاولوا مظاهرات في الجامعة
اشتدت الفتنه الطائفية .. كثير من أقلام الصحافه
سلبية أو تزكى ما يجري بلاد مسئولية .

□ تولهم البعض أن مصر انتهرت .. وأن طرد الخبراء السوفييت
معناه أننا لن ندخل معركة .

□ بعض الصحفيين اليساريين كان يمتد المراسلين للأهانب
بهذه الصورة السخيمة .

□ جمعت المجلس الأعلى للقوات المسلحة في أكتوبر وكشفت
أن وزير الحربية لم ينفذ تعليمات الاستعداد للمعركة !
وأنه لم يبلغ القيادات العسكرية بأى شئ !

□ حتى الخطة الدفاعية ٣٠ أصابها الخلل ، وتفوق علينا
العدو في حماية خطوطه .. وأصبحت جبهتنا مكشوفة تماما .

□ عزلت وزير الحربية .. وفي يوم ٣٠ نوفمبر ألقى المرحوم
أحمد اسماعيل «تمام الخطة الدفاعية كاملة» ..
وبدأنا التطوير للمرحوم .

□ صحيفة من صحفنا للأيف - بأسلوب مراكز القوى -
تُبنت وأُطلقت الإذاعات !

□ كنت أريد منهم أن يعاملوا الناس الصمود ..
ولأن يكونوا ساء في بلدهم .

□ دخلنا على عام ٧٣ بدأ أحمد إسماعيل يضع الرئيل
الأساسي للخطة الرجومية .

□ قال كيسنجر لحافظ إسماعيل .. يجب أن تكون طلباتكم
معقولة ، وفي حدود الحقيقة القائمة .. وهي
أنكم لست تستطيعوا الحركة .

□ عاد أحمد إسماعيل من موسكو بصفحة سادج ..
بعد أن تأكد السوفييت أننا لا نطعن من الظاهر

□ طلبت من السوفييت حضور اندرو بوف وزير الأمن القومي
السوفييتي ولم يردوا . وفي ٥ يونيو طلب السوفييت
أن يزور بودهورن مصر .. فقلت لهم آسف ، لأنه
هاجم العرب والقوات المسلحة في تصريحات له .



□□ وعدى الصيف والمواصلات مقطوعة بالكامل .. وكل شيء مقطوع بينى وبين الاتحاد السوفيتى .. جينا على الجامعة .. جينا على دخول المدارس .. برضه بعض اخوانا اليساريين برضه على الاسلوب اياه .. طلّعوا وعملوا لخبطة فى الجامعة .. فى هذا الوقت قامت الفتنة الطائفية - كانت من الصيف - خدت حموتها فى اكتوبر ونوفمبر ٧٢ ، فتنة طائفية .. طلبة .. ييكتب بقى عن مصر .. الصحافة عندنا للاسف .. يا اما سلبية يا اما من تحت لتحت بتزكى هذا كله .. بلا مسئولية اطلاقا ..

بل انه توهم البعض ان الوضع انتهى خلاص والصورة راحت ، وكل الكلام اللى بقى يطلع من المراسلين الاجانب ان مصر اتهمت .. فتنة طائفية وحركات الجامعة ، وقرارات الخبراء الروس ، وطرد الخبراء الروس .. ده معناه ان السادات مش داخل معركة خالص والعملية سيئة .. صورة مصر فى أوائل خريف ٧٢ الى ما بعد ذلك كانت صورة كئيبة جدا واحنا ، ومن صحفيينا المصريين اللى كانوا

بيدوا للمراسلين الاجانب هذه البيانات وكتاباتهم كانت سم في
صحفنا . وفوجئت في رمضان ٧٢ ، كنافي اكتوبر ، فوجئت لما جمعت
المجلس الاعلى للقوات المسلحة .. أنا لما ندهت لوزير الحرية
في أغسطس - زى ما قلت لكم - وقلت له يروح يبلغ المجلس
الاعلى للقوات المسلحة ويجهز القوات لنوفمبر .. رجع لى بعدها
يومين وقال لى جمعت المجلس .. تمام .. واجنا جاهزين في
أول نوفمبر .. قلت له : لا .. معاك لخستاشر .. مش أول
.. جمعت المجلس الاعلى في اكتوبر .. في أواخر اكتوبر علشان
أنا .. مفروض انهم جاهزين في أول نوفمبر .. يتضح لى أن
وزير الحرية لم يبلغ المجلس الاعلى للقوات المسلحة .. مدير
الامداد والتموين في المجلس الاعلى .. اللي ايه .. اللي حيوصل
البنزين للدبابات .. والمية للقوات .. والاكل .. اللي بيخدم
المعركة كلها .. رفع ايده .. يقول قرارات ايه يا فندم اللي انت
بقتها لينا في أغسطس .. أنا باقول لهم أنا بت لكم قرارات في
أغسطس ان شاء الله تكونوا جاهزين .. رفع ايده وقال لى :
قرارات ايه .. قلت اه .. وزير الحرية ما بلفكوش ؟ .. قال
لى - لأ - ميل على وزير الحرية وقتها ..

وقال لى : أنا ماجتش ابلغ - أنا عايز المرة كله - مرة 11
على المجلس الاعلى للقوات المسلحة .. ده المجلس الاعلى هو
اللى بيحط الخطة - كله - ده اللي يقول لى ده .. هو اللي
حيوصل البنزين والمية والاكل ويسمل الشئون الادارية يساعت
لقوات المسلحة كلها .. اللي هي أخطر من القتال كنان .. لو

طلعت غلط .. عزلته .. زادت الجملة في مصر .. الوزراء
يبتعزلوا وبقدرات ..

أنا باحكي لكم .. أصلى بأنفس عن المسافاة بتاعت خمس
سنين .. القرارات بتطلع عشوائية .. مش قادر أقول لهم أنا ..
انتى أنا مدى خبر .. مش قادر أعلن ان وزير الحرية اللي قلت
له .. راح ماجمعش .. وجاتي قال لي خطأ وتعتمد انه جمع وانه
جاهز بل اتضح لي ما هو أخطر أنه ونحن في أواخر اكتوبر ٧٢ ..
الخطة الدفاعية اللي مسلمها لي عبد الناصر زي ما قرأتم ومسلمها
لي قبل ما يموت ، وكأنه عارف انه يموت ، الخطة الدفاعية اللي
كان دايم فوزي محافظ عليها ان إحنا دائماً في موقف دفاعي
أحسن من اسرائيل علشان نبقي في وضع سليم باستمرار ..
الخطة الدفاعية منهارة لان اليهود علوا الساتر قدامنا ١٧ متر ،
واحنا قراتنا ما عملتش أي مجهود .. النتيجة ان أولادنا قاعدين
على ٢ متر قدام ١٧ .. بقي طلع فيهم ان ورا الساتر ده معدات
اليكترونية .. ومش عارف ايه - وطلع حاجات .. خزعات
كتبتها الصحف ، واشاعات والحرب النفسية التي بتطلعها اليهود
في المجلس الاعلى قائد الجيش الثالث ، وقائد الجيش الثاني ..
باسألهم حال جيوشهم ايه ؟ .. قاتلوا احنا مكشوفين .. الخطة
الدفاعية مكشوفة .. كان فسوزي وهو قائد عام .. الخطة
الدفاعية كل اليهود ما يعلو الساتر نصف متر - يعلى هو متر
علشان نبقي في الوضع السليم وكاشفينهم دايم .. ده سيناهم ..
الوزير التاني سابهم لما ارتفع ١٧ متر واحنا قاعدين تحت ..
ماحدث عارف .. ويحكموا تحركاتنا ، لو عملنا أي حاجة ..

قائد الجيش الثالث قال لى : اى جند عندى باين .. حيان
مكشوف .. قبل ما أعمله سيكونوا شايفين كل حاجة ..
وحاكين من ١٧ متر واحنا ثلاثه متر تحتهم .. سألت قائد الجيش
الثانى نفس الشئ .. أقلت وزير الحرية .. طلعت الاشاعات
برضه القرارات بتؤخذ عشوائية .. مش قادر أقول لهم ..
أحكى وأقول ان الخطة الدفاعية فى أواخر اكتوبر ونوفمبر كانت
مكشوفة وان اسرائيل كانت تستطيع تخش الضفة الغربية عندى
.. تعمل ما تشاء وتطلع .. أحكى ده .. ما كانش يتحكى طبعاً

وصحيفة من صحفنا للأسف برضه جريا على أسلوب مراكز
القوى تبنت المسائل دى ، وطلعت منها الاشاعات ، والقرارات
عشوائية، وادى فتنة طائفية، وادى حال الجامعات، وادى الخبراء
الروس طلخوا .. ما فيش حرب ، والحالة .. والحالة .. للأسف
.. ولم يتصد واحد من الصحافة أبدا للصوص — لمجرد الصمود
أنا مش عايز منهم يدافعوا عن حاجة ، ومش طالب منهم يعملوا
حاجه أكثر من أن يعلموا الناس يصمدوا .. ما يبقوش سم على
بلدهم .. زادت الحالة فى الخارج .. لو تقرأوا صحف العالم عنا
فى اكتوبر ونوفمبر وديسمبر ويناير وفبراير .. ديسمبر ٧٢ ،
يناير وفبراير ٧٣ .. اللى يقرأها يقول : مصر انتهت وراحت ..
وزى ما قلت صحفيين من عندنا اللى كانوا بيغذوا هذا .. وأنا
باقول لقد ذاتى النهارده علشان ماترجموش له تانى لأنى لن أسمح
بهذا تانى .. ولم أسمح لاحد لا فى الصحافة ، ولا غير الصحافة
يعمل مراكز قوى ، يعمل اشاعات .. أو يعمل كلام من ده ..
سبت كل حاجة سبت الفتنة الطائفية مائسية .. سبت طلبية

الجامعات يهوا ، ويمملوا مظاهرات ومجلات حائط وشستائم ،
وتصفوية وانهمزية .. وقالوا ما قال مالك في الخمر سبت كله .

وعينت اسماعيل الله يرحمه .. قلت له : يا اسماعيل وقف الخطة
الدفاعية الاول ، وبمدين حاتكلم وياك في الباقي .. فضلت من
أواخر اكتوبر لما اتعين اسماعيل الى آخر نوفمبر ، على ما رفع
السماعة اسماعيل ، واداني تليفون وقال لى : تمام الخطة الدفاعية
٢٠٠ جاهرة وخطتنا كاملة ، صرف ٢٠ مليون جنيه خداهم مش بس
في اكتوبر ونوفمبر .. لآ ده امتد صرفهم لغاية يناير وفبراير لانه
عمل بيهم تجهيزات الهجوم .. انما بالجزء الاول من العشرين
مليون جنيه في اكتوبر ونوفمبر اكمل الخطة الدفاعية وأياها طلعا
اليهود وقالوا المصريين غاوين بناء اهرامات .. وهو جه تفانى
العملية اسماعيل الله يرحمه بانه جه أمام كل نقطة قوية وراح عامل
فعلا هرم من التراب وسلحه من فوق بمواقع بحيث سينا بقيت
بدل ما كان ١٧ متر الحواجز واحنا تحت .. احنا بقينا فوق وهما
تحت وسينا قدامنا مكشوفة بالكامل .

يوم ٢٠ نوفمبر كلمنى اسماعيل وقال لى تمام يا افندم الخطة
الدفاعية كاملة .. قلت طيب أبتدى أتكلم بقى في البلد .. الفتنة
الطائفية حلها ١٠ دور في الازهر ودور في البطريك واتتهت ..

خطبت في مجلس الشعب في ديسمبر وقلت لن أسمح ابتداء من
هذه اللحظة بهذا التسبب .. وفي نفس الوقت .. من بعد
ما خطبت بالليل حتى الفجر كان جميع العناصر اللي بتشير مقبوض
عليها ومتقدمة للنياحة . طلعت نفس الصحيفة برضه والمجمع اللي

فيها وقالوا انه .. الله طيب ده خطب وقال انه .. أنا فعلا في
خطبتي قلت أنا حعالج الحرية بمزيد من الحرية لكن لا أستح
بالتسيب .. قالوا اناى بمزيد من الحرية ويبقى فيه قبض
ع الطلبة و .. و .. و .. الطلبة طبعاً شافين قدامهم • وباقول
الطلبة هنا ما بقولش القاعدة الطلابية العريضة • أبدا • ده أنا
باتكلم عن عناصر محدودة ••

دخلنا على ٧٣ بدأ احمد اسماعيل الله يرحمه يحط انهيكال
الاساسى للخطبة •• فبراير ٧٣ سافر احمد اسماعيل للاتحاد
السوفيتى وسافر حافظ اسماعيل للقاء كيسنجر لأول مرة ••
يعنى منذ قرار الخبراء في ٨ يوليو بعدها بثلاثة أسابيع اتصلوا بينا
الامريكان •• ماحصلش الاتصال الاول بينا وبين كيسنجر الا في
فبراير ٧٣ وأعلن عنه •• طلباتكم معقولة تقدر نعمل لكم حاجة
في حدود المعقول وفي حدود الحقيقة القائمة وهى انكم مش
حتقدروا تتحركوا ونصيحتي لكم ما تتجركوش لانه حتبقى ضربة
خطيرة عليكم وتنتهى •• ما عجبنيش الكلام لما رجع حافظ
اسماعيل •• قمت بت •• كان بقى زى ما قلت لكم احمد
اسماعيل في موسكو رسمى ومعلن، وحافظ اسماعيل في باريس
رسمى ومعلن يقابل كيسنجر •• رجع لى احمد اسماعيل من
موسكو بصفقة سلاح بعد ما اطمأنوا وكان ٨ أشهر فاتوا بقى على
قرارات الخبراء الروس واتأكدوا ان احنا ما عملناهاش طعنة في
ضهرهم مع الامريكان أو لا اخلاقية •• وعملوا معاه صفقة ••

ولاول مرة في تاريخهم بدأوا يوردوها •• يوردوا أجزاء منها
بسرعة اثباتا لحسن النية •• في نفس الوقت جاني حافظ اسماعيل

زى ما قلت لكم وبكلام كيسنجر .. قلت له الكلام ده مش عاجبنى أبدا .. يعنى معنى ده ونصيحة كمان ما تتحركش معناها ان احنا تقبل وضع الهزيمة خلاص .. يا سفير يا سوفيتى .. ندهت له عندى .. تبعت لموسكو وقول لهم انه حصل اتصال بيننا وبين أمريكا ورجع لى حافظ اسماعيل وأنا أحب انه ييمتوا لى وزير الامن القومى عندهم أندروبوف .

وده كان صديق شخصى لاحمد اسماعيل الله يرحمه . اسماعيل لما رجع بعد عقد الصفقة قال لى اندروبوف وزير الامن القومى راجل كويس ومتفاهم وبيقول أى مصاعب تطلع فى العلاقات ادونى خبر وأنا مستعد آجى ونزيل هذه المصاعب وكذا وكذا . وما نرجعش تانى لعملية زى بتاعة الخبراء . شكلها أضر بالعلاقات بيننا وبين بعض . لكن خلاص ما نرجعش للحاجات دى .. اديكوا أخذتم الصفقة أهه . واحنا ما بنطالبش بشئ أبدا .. أكثر من انه اذا حصل حاجة مستقبلا يعنى تلافاهما قبل ما تقع .

فبعث .. بناء على كلام أحمد اسماعيل ندهت السفير السوفيتى .. رسالة رسمية للقادة السوفيت ابعتوا لى اندروبوف وزير الامن القومى بتاعكم علشان أتكلم معاه على مقابلة حافظ اسماعيل لكيسنجر لان الكلام ماعجبنيش بتاع كيسنجر أبدا . وكنت عايز أقول لهم آدى أهه .. آدى الواقع . من غير ما ثبت . كلام كيسنجر ملخصه بسيط . من غير ما تثبتوا انكم بنى آدم وتعاربوا ما تطلبوش تغيير الوضع وحافظوا فى اللى اتم فيه .. هو كله ..

وده الواقع .. وده اللي ماشى بيه العالم .. وتطلبوا منا ليه
حاجة غير الواقع ا وغير الواقع ماتقدرش تعمل لكم حاجة .

دخل مارس وابريل جت لى أجزاء من الصفقة اللي عملها
اسماعيل . قلت الحمد لله .. المشير اسماعيل الله يرحمه ماشى فى
الخطه ويمرضها على فى مارس كانت منتهية بالكامل ..

الوضع العربى كنت باشتغل فيه بالكامل قبلها بسنة . الوضع
الافريقى قررت اسافر مؤتمر الوحدة الافريقية فى مايو .
وسافرت . ولاول مرة تأخذ قرار رائع . الوضع العالمى قلت لازم
نروح مجلس الامن وتأخذ قرار .

حصل المدوان على الثلاثة القادة الفلسطينيين فى بيروت واللى
موتوهم هناك . وبعت للرئيس فرنجية وقلت له أرجوك اطلب
عقد مجلس الامن، الراحل استجاب . عقدنا مجلس الامن علشان
يشوف عملية الثلاثة دول ، خليت الدكتور الزيات اتقدم فجأة
بعرض القضية بتاعتنا علشان ناخذ قرار وأخذنا فعلا قرار فى
يوليو بأربعة عشر صوتا ضد صوت واحد هو صوت أمريكا .

فريقيا جهزت للمعركة .

افريقيا جهزت للمعركة .

عالميا .. دوليا فى مجلس الامن جهزت بقرار ١٤ من ١٥ .

عدم الانحياز كان جاي فى سبتمبر وفعلا رحته كان قبل المعركة
وجهزت للمعركة .

ده تجهيز كامل فى الداخل هنا • اسماعيل من مارس الله يرحمه
كانت الخطة كاملة بالكامل وبدأ التدريب الشاق لكل وحداتنا
على كل المهام القتالية بتاعتها •

قعدت مستنى ييجى لى اندروبوف • أسبوع • أسبوعين • •
ثلاثة • • أربعة • • خمسة • • ولا حتى السفير السوفيتى جه وقال
انه احنا مثلاً الراجل تيبان • • أو عيان أو فيه حاجة • • بعثت
ندهت السفير السوفيتى بعد شهر وشوية قلت له تعالى • ده
الطلب ده عاجل وقايل لك انه عاجل • • وده موضوع بيخص
وضع اتم حلفاؤنا وأصداؤنا • • عايز أقول لكم عليه عايز أقول
لكم احساسى ايه ، وتتفاهم ونواجه الموقف ده ازاي حاضر ابعث
• • راح • • مافيه ولا مجيب • • شهرين • • رحت ناداه له بعد
الشهرين • • قلت له ماجالكش حاجة عن أندروبوف هاييجى قال
لى لا والله ماجاش • • قلت له طيب النى • • ابعث للقادة السوفيت
وقول لهم أنا بلغى هذا الطلب • • وأنا نسيت نفسى • • ليه • •
لانى بالكلم دولة عظمى • • وباقول ابعثوا لى حد • • أنا فاهم انى
بالكلم أصدقاء بأه اتم لو بعثوا لى وقولتوا لى ابعث أى انسان
• • ده اتم • • أربع مرات أروح أزوركهم فى الاتحاد السوفيتى
فى أقل من سنة • • وأنا بأبعث وفاهم ان أنا صديق • • وانكم
حلفاء • • لأ • • أنا نسيت نفسى يظهر ونسيت انكم دولة كبرى
• • وأتم كدولة كبرى آه • • أنا آسف • • ابعث للقادة السوفيت
قول لهم الغوا الطلب مش عايز حاجة • • جينا ٥ يونيو • • كل ده
ماشى خطة خلاص • • التدريب ماشى • •

رحت حضرت في القيادة العامة .. تخته الرمل .. ميدان
المركة في تخته رمل قد عرض الترابيزة دى كده والطول يجى
عشره متر .. محطوط عليها كل شىء .. في سيناء اللي هايششوا
عليها قواتنا حسب الاصول العسكرية .. وقام القادة كل واحد
شرح لى المهمة بتاعته .. وهايتقدم منين ويطلع فين .. وكذا كل
حاجة ماثية على أحسن ما في العلم العسكري وأحدث ما في العلم
المسكرى ..

يوم ٥ يونيو .. زى عادتي طلعت أمر على القوات المسلحة ..
الجماعة لما اسماعيل عقد ~~الاجتماع~~ ^{الاجتماع} في فبراير خدوا فبراير
ومارس .. بتوا في مارس وابريل .. بتوا جزء واحتجزوا الجزء
الباقى على ايه ، وما يروح بريجنيف يزور أمريكا في مايو لان
كان المرة دى بريجنيف هو اللي رايح الولايات المتحدة .. حجزوا
جزء على التقليد اياه ، حجزوا وأنا عارف انه مافيش فائدة الا بعد
الزيارة سكت .. يوم ٥ يونيو .. طلعت أمر على القوات المسلحة
زى عادتي كل سنة كنت في ٥ يونيو بأمر على القوات المسلحة وعلى
الجبهة وعلى الخط .. وكانت الحقيقة ٥ يونيو ٧٣ دى فرصة
عشان أدى الاوامر النهائية للقادة .. لان الخطة زى ما قلت لكم
اكتملت نهائيا .. تماما وصدقت عليها لاسماعيل .. يوم ٥ يونيو
وأنا في مطار القطامية .. أول الرحلة بتاعتى وأنا طالع .. جامع
الطيارين وقاعدين في ملجأ من بتاع الطيارات وبأكلهم الطيارين
على الموقف وباشرح لهم وبأديهم معنى — توحيه من بعيد عشان
يكونوا جاهزين .. لكن القادة كنت باتكلم معاهم بوضوح



كامل .. وعشان ما تتسربش حاجة وشرحت لهم الموقف السياسى
والموقف العسكرى .. وكذا .. وكذا .. وكذا .. وأشعرتهم
ان احنا هاتحرك السنة دى .. أنا قاعد فى مطار القطامية باتكلم
معاهم .. والا ييجى تليفون مستعجل فأنا كان أثناء الحديث
بتاعى مع الطيارين قلت للمشير اسماعيل قلت له رد على التليفون
وشوف ايه .. جولى قالوا الى أنت مطلوب .. كملت أنا مع
الطيارين وقلت له شوف ايه .. قال السفير السوفيتى عنده رسالة
عاجلة عايز ييلفها لك .. قلت له خذها منه .. كلمه وخذها منه
.. لان أنا ها أكمل مع الطيارين وها اطلع أكمل على الخط ..
خد الرسالة منه ولما نرجع .. الدنيا ما راحتش يعنى ..

راح اسماعيل الله يرحمه أخذ منه الرسالة •

الرسالة .. قال له والله أنا كنت عايز الميعاد عاجل جدا نيه ..
لأن الاتحاد السوفيتي قرر انه يبعث رئيس الاتحاد السوفيتي
بودجورنى للزيارة هنا .. ويعنى خبر عظيم جدا وشىء يعنى مهم
جدا خطير .. لأن دى بادرة كبيرة جدا من الاتحاد السوفيتي
ناحيتمكم .. وايه رأيكم فى ١١ يونية .. يعنى يزوركم .. جالى
اسماعيل .. خلصت مع الطيارين طلعا فى السكة .. قال لى
الرسالة هى كيت .. وكيت .. وكيت ..

بدجورنى قبل كده صرح وهو فى زيارة لتركيا .. هاجم العرب
والقوات المسلحة العربية .. وطلع الكلام فى مجلة امريكية
وما تفاهدش الاتحاد السوفيتي .. ويتكلم عنا بأسوأ ما يكون
الكلام .. وده اللى كان جالى عقد معايا المعاهدة .. وكلامه اللى
قاله لى أربعة أيام ما حصلش .. بل حصل السلسلة اللى جرت
وسمعتوها دى كلها .. قلت لاسماعيل رد عليهم وقول لهم ..
أنا آسف احنا مشغولين فى الفترة دى .. كملت الرحلة بتاعتى
ورجعت .. ضافها دى الاتحاد السوفيتي ، ضافها على المتاعب ..
جينا فى صيف ٧٣ خلاص بنجهز .. زى ماقلت أنا قبل كده ..
سافرت للسعودية ولقطر واتتهيت فى سوريا فى بلودان وحددنا
يوم ٦ أكتوبر أنا والرئيس حافظ ..

ورجعت هنا .. جه مؤتمر عدم الانحياز فى سبتمبر سافرت له
وهيأت الجو كله .. فبقى الجو للمركة عريا وافريقيا ودوليا
وعدم انحياز الكل جهمز ومعانا ويؤيدنا بقرارات فى غاية القوة ..

□ في أغسطس .. اجتمعت بالرئيس حافظ الأسد في بلودان
واتفقنا على تاريخ المعركة .. وهو ٦ أكتوبر .

□ عفوت عن الطلبة ، وأعدت الصحفيين .. لأن كل شيء
أعد للمعركة ، ونصور البعض أنني أنفق ..
وأعمل مصالحة وطنية .

□ وجمادى ٦ أكتوبر .. وفوجئ العالم كله .. ونسف أولادنا
الأسطورة التي خدعت العالم ٢٥ سنة .

□ الذين يهاجمون مصر الآن .. لم يردوا على سؤال
هل صحيح أن سوريا طلبت وقف النار ٣ مرات
في اليوم التالي للمعركة ؟

□ الزعماء السوفييت أطلعوا وزير خارجية مصر على نصوص
طلبات سوريا بوقف النار .

□ عندما قبلنا وقف النار في ٩ أكتوبر .. كنا بين نارين
كنا نحارب أمريكا وإسرائيل أمامنا .. وكان السوفييت
وراءنا يطعنون ظهرنا .

□ سوريا بدأت المعركة وراى كل مدفع منه ٨ الى ١١ خط
ذخيرة .. ومصر بدأت وراى بعضه مدافعنا خط
ونصف خط ذخيرة .. وخطان فقط !

□ الاتحاد السوفيتى عاتب عبدالناصر ولم يرسل لنا
ذخيرة منه عام ٦٩ إلا فى أكتوبر ٧٣ !

□ الاتحاد السوفيتى يريد ضرب مصر بسوريا كما فعل مع
صدام جديد فى سوريا لضرب عبدالناصر .

□ أبلغنى السوفيت رسميا فى مايو ٦٧ أن إسرائيل
عشرت ١١ لوار على حدود سوريا .

□ هذه طريقة الاتحاد السوفيتى عندما ضرب مصر بالعراق
فى عهد عبدالكريم قاسم .

□ دخلنا المعركة .. كسبنا أرضا .. ولم نتزعزع عن
بوصة واحدة من الأرض المعركة .



في أغسطس هنا انعقد المجلس الاعلى لأول مرة بتاع القوات المسلحة المصرية - السورية .. عملنا للقوتين مجلس أعلى واحد اجتمع في أغسطس هنا علشان يشوف .. وتفاصيل هذا المجلس لبعنا تفاصيل عسكرية متتقائش .. انما بعدها رحنا أنا للرئيس حافظ واتفقنا في بلودان على تاريخ المعركة أنا وهو ٩ أكتوبر .. ورجعنا ..

في ذكرى عبد الناصر في ٢٨ سبتمبر زى النهارده بقى من ستين في ٧٣ أنا قلت لكم بعد ما قدمت الخطة الدفاعية واطمانيت .. أنا ما كنتش بانام .. لما قالوا لى الخطة الدفاعية مكشوفة ما كنتش بانام لان اليهود شايفنا أهوه .. يقدرنا يعملوا أى حاجة فى الضفة الغربية ويقدرنا يتعبونا .. زى ما قلت لكم لما ٣٠ نوفمبر أخذت التمام ان الخطة الدفاعية تمام رحنا على مجلس الشعب فى ديسمبر وخطبت والطلبة المشاغبين اللى هم قايمين باللخطة دى مسكناهم .. وخطبناهم قدام النيابة .. فى يناير كلمت الصحفيين وقلت لهم كفاية بقى .. تعبتوني ..

وسأوتوا سمعة بلدكم أنا مبيهمنيش اللي يتكلم في حاجة .. أنا
ما حدش يسوى سمعة بلده .. شيلت ١٢٠ صفحى .
ماوديتهمش بقى على مؤسسات الدواجن زى ما حصل قبل
كده .. لأ وديتهم الاستعلامات ..

وماقطعتش عيشهم .. أنا بس كان عقاب أدبى انه عيب لموا
نفسكم .. ليه .. لأن أنا فى معركة .. وفى موقف محتاج لكل
إنسان فى البلد يقف معانا .. يقف مع بلده فيه .. مش معايا
لشخصى .. لأ مع بلده .. جيت أنا فى ٢٨ سبتمبر ٧٣ قلت
الصحفين كلهم يعودوا لجرايدهم .. الطلبة كله سماح .. انتهى
كل شىء ويمودوا لجامعاتهم .. وان كان فيه أحكام والا حاجة
.. عفو .. وانتهى فى هذه القاعة من سنتين .. ووقتها برضه
حصل الاجتهاد من البعض .. ماهماش عارفين ان المعركة فاضل
لها أسبوعين أو ثلاثة .. اللي حصل اجتهاد من البعض وقالوا
أن الرئيس السادات بيتقهقر وعاملها بقى دى مصالحه وطنية مع
الاولاد المشاغبين يعنى .. ومع الناس اللي يكتبوا ضد بلدهم .

المهم .. جه ٦ اكتوبر .. وفوجىء العالم كله بما وقع فى ٧٣
.. أولادنا مش بس عملوا انتصارات .. مش بس اقتحموا
القنساء .. واقتحموا خط بارليف .. لأ .. أولادنا نسفوا
الاسطورة التى عاش عليها العالم ٢٥ سنة الى ذلك الوقت .. أن
اسرائيل قوة لا تقهر .. وانها .. وانها .. والغرور الاسرائيلى
الرهيب .. أولادنا نسفوه نسفا كاملا يوم ٦ اكتوبر وكملوا فى
بقية الايام .. وقرأتم أتم الاجزاء عن المعركة . وفى اكتوبر
حيكتب كمان أكثر وأكثر .. سمعوني انكلمت عن إيقاف إطلاق

النار .. وبرزه هنا علشان الجدل اللي قايم به بعض اخواننا
في حزب البعث السوري أو من الفلسطينيين .. أو من أى مكان
آخر .. بأحب أرد عليهم ، انه لما أوقفنا اطلاق النار .. وأنا
حكيت القصة .. أنا من أول يوم في الحرب يوم ٦ أكتوبر ..
زى ما حكيت .. الساعة ٨ مساء بعد المعركة بست ساعات جه
لى السفير السوفيتى وقال سوريا طالبه وقف اطلاق النار من
قبل المعركة بيومين طالباه ٤٨ ساعة بعد بدء المعركة ..
السؤال ده ما تردش عليه لفاية النهاردة .. وأنا باسم
العالم العربى كله .. ليه .. هل الاتحاد السوفيتى بلغنى هذا
الكلام كان صح والا كان غلط ؟ .. ما تردش عليه أبدا من
الاطراف اللى بتهاجم مصر النهارده .. الاتحاد السوفيتى لما راح
اسماعيل فهمى بعد ذلك وقابل بريجنيف .. بريجنيف قال له
اتفضل آدى ٣ طلبات رسمية من سوريا جت لى علشان وقف
اطلاق النار .. كمان الاتحاد السوفيتى مشهد تيتو .. لانه طلبوا
تيتو وقالوا له كلم صديقك السادات لانه سوريا طالبه وقف اطلاق
النار ومصر رافضة .. غالمزايدة علينا فى وقف اطلاق النار مافيش
داعى للكلام فيها و لانخوض فيها ولا بنقبل المزايدات ولا الكلام
ده فيها ..

انما اللى عايز أقوله .. انه .. لما أخذت قرارى يوم ١٩ ان
احنا تقبل وقف اطلاق النار .. الجزء بقى اللى أنا أخفيت
وماقتوش .. علشان يسمعوه اخواننا قادة البعث فى سوريا ..
الجزء اللى أنا أخفيت وماقتوش ان انا كان قدامى الامريكان
واليهود .. وامريكا بقوتها وبأسلحتها الجديدة التى لم تستخدم
ولم تخرج خارج امريكا بعد .. ولسه يدربوا عليها الجيش ..

الامريكى .. جابوها بخبرائها ودخلوا ضدى المعركة بيها .. ده
أيام الشفرة ..

الجزء الثانى اللى أنا أخفيتيه ومش راضى أقوله وعمال بس
أحاول أقفل علشان نحافظ على صداقات ونحافظ على معانى ..
ونحافظ على أخوة .. الجزء الثانى كان انه زى ما كان أمريكا
واسرائيل قدامى .. كان فى زهرى الاتحاد السوفيتى ..
الكوبى اللى جه كان فيه ذخيرة - اللى لابسين قميص
عبد الناصر النهاردة - كان فيه ذخيرة متأخرة من سنة ٦٩ عاقبوا
عبد الناصر وما بتوها لوش لانه ماسمش كلامهم ووقف حرب
الاستنزاف .. قاموا عاقبوه ومارضوش بيعتوها .. ماجاتيش
الا فى الكوبى الجوى .

بدأت المعركة .. واسمعوا يا اخوانا فى سوريا . بدأت المعركة
ووراء المدفعية بتاعتى .. وراء المدفع فيه تمبير عسكرى يقول
خط ذخيرة واثنين وثلاثة ..

سوريا بدأت المعركة ووراء كل مدفع من ٨ الى ١١ خط ذخيرة
.. أنا بدأت المعركة ووراء بعض مدافى خط ونصف خط وخطين
ذخيرة .. لان الاتحاد السوفيتى من ٦٩ مانع .. ويعاقب
عبد الناصر اللى يتكلم عليه النهاردة ويمجده ..

عاقب عبد الناصر ومارضاش بيعت له لان عبد الناصر مشى
حرب الاستنزاف وماسمش كلامهم ووقف فيقولوا له طيب
.. ما بتلكش ذخيرة .. من ٦٩ ماجاتش الا فى الكوبى الجوى
.. ٧٣

اخواننا المبكرين في سوريا يعرفوا الحقيقة دي .. يعرفوا
ان اسماعيل الله يرحمه .. في اللحظات الحرجة اللي كان عندنا
نصف خط وخط وراء المدفع بس قبل المعركة مباشرة بعثنا طائرات
استلقتها من سوريا رسميا .

لما نسمع التفاصيل دي كلها والكوبرى أبو خمس ساعات واه ..
وا .. وا .. وبعدين نعرف ازاي اقتحمت القناة .. وخط بارليف
وده كله لازم نخط أولادنا في القوات المسلحة في عيننا الى
الابد .

بعد قرار الخبراء الروس ابتداء الروس في ٧٢ يدلعوا سوريا
هو كان عندهم عملية - التاريخ يعمد نفسه - قبل ٦٧ - برضه
الاتحاد السوفيتي غاوي يضرب الانظمة في بعضها .. الانظمة
العربية .. احتضنوا صلاح جديد في سوريا وحتى صلاح جديد
جاملهم واستعار منهم كلمة الرفيق .. وبقي الحزب بتاعهم يسمى
الرفيق ..

وابتدوا يضربوا مصر بسوريا .. أنا كنت في الاتحاد السوفيتي
يوم أول مايو ٦٧ ، وحضرت الاحتفالات هناك ، وقابلت القادة
السوفيت ، يوهما كانوا ييضربوا مصر بسوريا ، ويقولوا بقي
سوريا هي حزب البعث اللي طالع وهو اللي حايجر الامة العربية
ويغيظوا عبد الناصر اللي لابسين قميصه النهاردة ، وبلغوني
رسمي في مايو ٦٧ وأنا هناك وأنا رئيس مجلس الامة بلغوني
رسمي أن اسرائيل حاشدة عشر لواءات أو حذاشر مانيش فاكر
.. عشرة أو حذاشر على سوريا .. سوريا البظلة المجاهدة
الوحيدة اللي واقفة في الميدان لوحدها .. طبعا .. سوريا عزيزة

علينا .. لما يقال حاشدة .. مانسكتش وقت ما هم بيلغوني ..
بأبلغه لعبد الناصر هنا ..

ده الكلام ده فى مايو ٦٧ أنا أحد شهوده مانيش عايز أتكلم
بقى على اللي جرى بعد ذلك لانه أنا - اللجنة بتاعة حسنى ان
شاء الله - اللي حاتبدأ فى القريب - حاتعلن لكم وحاتبدأ ،
حتاخذ تحقيق هذا كله .. يومها كانت الحكومة السوفيتية
مدلعين البعث ويضربوا مصر بسوريا .. على طريقتهم، زى قبل
كده ما ضربوا مصر بالعراق ، والعراق بمصر .. أيام عبدالكريم
قاسم ، هم عادتهم كده .. فأياهما كانوا - التاريخ بيعيد نفسه
تماما - بعد قرارات الخبراء السوفيت .. انهالت الاسلحة على
سوريا .. انهالت لدرجة انى باقول لكم .. ان ابتدينا المعركة
ووراء كل مدفع سورى من ٨ - ١١ خط ذخيرة .. أنا ابتديتها
- باقول - وكان عندى خط ونص خط وثلاثة للمدافع ..
ودخلت المعركة ، وكسبت أرض وما اتزحزحتش بوصة من كل
بوصة خدتها فى سيناء ..

نفس العملية بيكرروها النهاردة .. عايزين يضربوا مصر
بسوريا برضه .. وحافظ الاسد بالسادات زى ما كانوا ييضربوا
صلاح جديد بعبد الناصر .. هى نفس العملية موش جديدة .
الاتحاد السوفيتى - أنا قلت لكم - وأنا باخذ قرار وقف انلاق
النار .. أنا خدته ليه . لأنه زى ما كانت أمريكا قدامى
.. كان فى ظهري الاتحاد السوفيتى وخايف منه زى ما أنا خايف
من الامريكان تماما ..



ودخلت .. ووقفت .. والى حسبته لقيته .. طلعت من
المركبة ، ١٤ شهر ماييحتليش قشاية ، ١٤ شهر ، سوريا تفقد
دباباتها كلها ومعظم سلاح طيراتها .. يفوض لها جميع دباباتها
وجميع طائراتها .. قبل وقف اطلاق النار في ٢٣ أكتوبر .. قبل
وقف اطلاق النار تتموض الدبابات والطائرات .. أنا - الى هذه
اللحظة - وأدى احنا النهاردة في سبتمبر ٧٥ ، ما جانيش
استمواض حته سلاح واحدة .. اطلاقا .. اللي جاني في يناير
الماضي .. من عقود كانت تستحق الاداء في ٧٣ و ٧٤ ، ماجاتش
بشي في الكوبرى الجوى في ٧٣ ، وماجاتش في ٧٤ ، ومع ذلك
ما كملوهاش لغاية النهاردة .. بتوا جزء ، وراحوا واقفين عند
الجزء الاساسي لغاية تاريخه ..

أنا باسم الكلام ده لحزب البعث السورى علشان يعرف •
أنا مايتش على رجلين الروس زيهم •• أنا هنا من وقت قرار
الخبراء السوفيت ، واضح انه قرارى هنا فى مصر •• أنا موش
قلت لهم الكلام ده بس للخبراء لأ •• من يوم واحد واثنين
مارس •• أول زيارة لى فى ٧١ لهم • قلت لهم هذا الكلام وجيت
هنا قلته للجنة العليا ، قلت لهم أنا لا أقبل قرار فى مصر الا قرار
مصرى •• قرارى أنا •• وقرار شعبى •• مايتش قرار أجنبى
أبدا •• زى ما حسبت لقيت •• سابونى ١٤ شهر •• لولا
بومدين •• الله يكرمه •• سافر أثناء المعركة واشترى لنا دبابات •

□ تركنا السوفييت في الشفرة .. لولا نجدة بومدين
بـ ١٥٠ دبابة ، وتيتو بـ ١٤٠ دبابة و ١٠٠ دبابة
كانت عندنا من ليبيا .. واستردتها الآن .

□ عرف السوفييت مرة الرئيس الأسد موعد المعركة .. فاخفت
فجأة باخرة سلاح كان مقررا وصولها يوم ٥ أكتوبر
ولم تظهر إلا بعد خمسة أيام .. بعد أن تأكّدوا
من انتصارنا ..

□ نقلنا الفرقة ٢١ إلى الشرو ، بعد أن استعجلت سوريا

□ كنا في معركة .. لم تكن ناعمين . في اليوم الرابع تحولت
مع دبابة إسرائيلية إلى أشلاء . دخلنا أكبر معارك
دبابات في التاريخ .

□ اتفقت مع كيسنجر على ذلك الاشتباك في سوريا
وتحدد خطه منذ نوفمبر ٧٣ مثامنا نفد تماما ، قبل
أن يجده أي فلك اشتباك في مصر في يناير ١٩٧٤ .

□ جاءت مباحثات ذاك الاشتباك الثاني في مصر .
وردد البعث السوري كل ما رده عندك الاشتباك
الأول .. هل منفرد .. وغربنا من المعركة .. وكل
هذه الأقاويل .

□ ثم فوجئوا أن مصر رفضت !

□ التفتت بعد هذا ، بالرئيس الأسد وعاتبته
وشرحت له كل شيء .. ومع ذلك .. قامت
القيام مرة أخرى عندما حدث الانسحاب الثاني !

□ الاتفاق الذي عرض على الملك حسين وأعلن في مؤتمر
الرباط لقوم مجرد مرور بين مستعمرات إسرائيلية .. وليس
انسحاباً من أرض .. ولا أصدره أن الرئيس الأسد
هو الذي يقول أن اتفاقه سيناء يشبه مشروع الأردن

□ الملك حسين أعلن المشروع المعروف علينا أماننا جميعاً
الملك حسين وأنا وبها فظ الأسد وبلا سر عرفات .

□ أرى هو أن تكون هذه الأقوال منسوبة إلى الرئيس الأسد
لأنني أعرف أن الأسد رجل صادق .



■ ■ ما كانش بتتوالى .. لكن الدبابات اللي نجدتني بسرعة
علشان الثغرة .. أبو مدين بـ ٢٥٠ دبابة ، تيتوب بـ ١٤٠ دبابة
.. آدى ٣٠٠ تقريبا و ١٠٠ كانت لييا خدناها منها
كانت عندنا .. خدناها .. استردوها ثاني .. معلش ..
استردوها لكن - يعني نذكر لكل واحد - انا موضوعين ،
ونذكر لكل واحد موقفه يعني في أقل وقت ممكن كان عندي
حول - الثغرة - ٤٠٠ دبابة ، لو كان عندي ١٠٠ دبابة منهم
وقت الثغرة كانت خلصت الثغرة من زمان .. قوى .. لكن ٤٠٠
دبابة وبعدين .. فين .. على ما بعث لى الاتحاد السوفيتي بعد
ايقاف اطلاق النار .. وبعد الاختراق على السويس اللي حاولوه
اليهود وبعد ده كله ابتدوا يبعثوا الدبابات بالضبط .. زى
ما حصل فى مركب كانت ميعادها - باعتين لنا - حاتوصل فى
يوم خمسة أكتوبر .. سنة ٧٣ يعنى قبل المعركة بيوم .. قال
.. لما عرفوا من حافظ الاسد ان المعركة يوم ٦ ، المركب ادت
خبر لينا الاسكندرية حاتوصل الجمعة ٥ أكتوبر كانت بقدره
قادر .. المركب فى البحر الابيض ، لما عرفت ، وهناك .. بعد
ما ظهر ان احنا اتصرنا .. فى اليوم الخامس أو السادس ..

بقدره قادر .. المركب عرفت طريقها ودخلت ميناء الاسكندرية
 بعد ما تاهت في البحر ٥ أيام . هو ده أسلوب الاتحاد السوفيتي
 معاياه ده .. أنا باحب أسمعه لحزب البعث واسمعه للامة العربية
 كلها علشان يعرفوا أنا باخذ قراراتي ازاي .. وأنتم تعرفوا أنا
 باخذ قراراتي ازاي .. وتعرفوا القصة من أولها لآخرها ..
 جالي كيسنجر هنا .. الدور ده بقى لما جاني .. ما جاليش يقول
 لى الكلام اللي قاله لحافظ اسماعيل واللى بعته للاتحاد السوفيتي
 .. أقول له تعالى تتكلم نشوف ايه الكلام اللي بيتقال ده ..
 واللى ما عجبنيش .. المرة دى لا .. فى نوفمبر جالي .. وقال
 لى أنتم غيرتم الموقف .. بالمعركة .. يبقى لا بد يكون فيه سلام
 عادل .. سلام يقوم على العدل .. احنا تحت أمره .. ايه اللي
 انت عايزه .. قلت له الشفرة دى لازم تتشال .. والا أنا عايز ،
 والا أنا عايز أشيلها ومن فضلكم ابعدوا عنى .. وأنا هاشيل
 الشفرة ، أو رجعلي خط ٢٢ . قال لى لأ — عملنا النقط الستة
 وانه خط ٢٢ فى اطار فض اشتباك وقال لى انت عسكرى وعارف .
 وبعض اخواننا فى حزب البعث فى سوريا بيتكلموا على الشفرة
 يسألوا يشوفوا أستاذهم الجنرال (بوفر) بتاع فرنسا كتب
 عليها ايه ؟ سماها المعركة التليفزيونية .

ده مدير معهد الدراسات الاستراتيجية بتاع فرنسا كلها ..
 الله يرحمه توفى .. كتب عليها وقال دى معركة تليفزيونية لما
 يبقى داخلين من مسافة ٦٥ كيلو بين جيشين واقفين فى سيناء
 ما رجعوش بوصة من مكانهم مدخلهم ٦٥ كيلو بس طب ماهو
 يوم ما تنتهى المعركة ويقفلوا الجيشين وأقفل أنا من عندى فى
 الغرب خلصوا نهائيا . ما انكسرش الخط لأ ده كان ثغرة تسلل

وحصل أخطاء ما فيها شك بتحصيل في كل مرحلة وما فيش حاجة
لكن ما وصلتش يعني الى الدرجة اللي تخوف ولا القاهرة كانت
مهدة ولا حاجة .

المركة التليفزيونية أنا عارفها وعارف أساسها ودي ملهاش
أساس استراتيجي خالص .

دول عايزين يوازنوا الموقف وحكيت لكم قصتها ان الامريكان
لما شافوا قوة الفرقة ٢١ نقلت من الغرب للشرق ويصوروا ،
راحوا مودين الصور لليهود وقالوا لهم الحقوا بسرعة وازنوا
موقفكم مع مصر لان كانت هزيمة كاملة قدمنا في وقتها .
والفرقة ٢١ نقلتها الشرق علشان سوريا استعجلتنا .

اللي يحكي وزيرهم .. استعجلنا وما كانش لسه المرحلة
الثانية تيجي لان احنا في معركة ما احناش فايدين .. احنا ما كناش
اتصرنا احنا كنا في معركة وفي رابع يوم كان فيه ٤٠٠ دبابه
لاسرائيل أشلاء قدامنا .. ومعارك دبابات .. اكبر معارك
دبابات في التاريخ .. كينجر قال لي .. لا .. لو دخلت
تصفي هذه الثفرة حنخش ضدك .

طب والعمل ؟ أنا مش عايز أحارب أمريكا ..
وأنا أصلي عارف موقف صديقي الثاني اللي واقف ورايا ،
واضح ، معنى يبقى شعبي وولادي في القوات المسلحة اللي
ياخدوا الامر يندفعوا في ٦ أكتوبر زي البركان بايمان واندفاع
وعقيدة وعنف .. أضحي بالناس دي ازاي .. وأضحى بشعبي
ازاي ؟ وده ورايا وده قدامي ، قال بنجيب لك خط ٢٢ في اطار
فض الاشبتباك ، قلت له .. أنا قلت له .. مش عايز فض
الاعتبالبك ، أنا عايز خط ٢٢ ، خط ٢٢ ده مقتل ، اللي أنا وقتهم

عليه .. الى وقت أمريكا عليه .

الى يتكلموا على الثرة .. زى ما باقول .. يقرأوا شوية
ويقرأوا الجنرال (بوفر) مدير معهد الدراسات الاستراتيجية
بتاع فرنسا ، وهمه كان هناك كثير منهم يتعلموا هناك فى فرنسا
من يوم ما جاني بقى كيسنجر وعملنا النقط الستة .. ابتدئنا
.. وقال لى الموقف تغير .. اللهجة اتغيرت .. قابل حافظ
اسماعيل فى فبراير ٧٣ قال له : خليكم واقعيين ، أتم فى وضع
هزيل ما تطبوش المستحيل منا لان احنا بنشتغل على الواقع ..
فى أكتوبر ٧٣ لما جاني .. أوائل نوفمبر ٧٣ ، لما جاني قال لى
لا .. أتم غيرتم الوضع .. اتم قاتلتهم .. أتم النهاردة
.. تكلم عن السلام العادل .. أدى سر التحول فى موقف
امريكا الى ميش قادرين يفهونوه من اخواننا العرب اللى لسه
بغبنات عمالين يقولوا الامبريالية والاستعمار .. وكذا ..
ودول عمرهم ما يقدرُوا عملوا حاجة .. الله !! طيب ما امبريالية
واستعمار لكن بيقولك يا أخى عايز أحل وياك .. وماشي معاك
بشرف .. تمشى معاه ولا لا .. وبعدين ده طرف رئيسى .. ان
ما كنش هو الطرف الرئيسى فهو طرف رئيسى فى المشكلة ..
تجاهله ازاي وانت رجل سياسة عايز تحل مثل هذه المشكلة ..
أنا باحل على الواقع .. وباشتغل بعقل وبحساب .. لاني
مطلوب منى ده أمام بلدى وعلشان على الأقل أحترم نفسى
شوية وأحترم تفكيرى وأحترم عقلى قبل ما أكلم الناس .. وقبل
ما أجر شعبي لاي حاجة ..

مشينا .. تم فض الاشتباك الاول .. وزى ما سمعوني فى
الخطبة دكها .. قامت قيامة سوريا .. انعقاد مؤتمر جنيف الاول

.. قالوا ده .. الانعقاد ده بسى صورة وواجهة علشان الاتفاق
 الى حصل بين أمريكا ومصر اتفصح خلاص .. جاء جنيف
 وفات ، قام ما حصلش حاجة .. قالوا لا ده فض الاشتباك
 اتفاق ومصر خرجت من المعركة .. زى الكلام الى يقولوه
 دلوقتى تماما .. نهاجم .. وبعدها بشوية عملوا هم فض اشتباك
 هم الآخرين وزى ما حكيت وكلكم سمعتم والامة الرئيسة
 سمعت ، جايب لهم أنا فض الاشتباك والخط بتاعهم من قبل
 ما يتصل عندى حاجة على الجبهة المصرية على الاطلاق ، اى فى
 نوفمبر ١٩٧٣ ، علما بأنه فض الاشتباك عندنا ما تمش الا فى يناير
 ١٩٧٤ ما حدث بعد يناير ٧٤ حدث فض الاشتباك ، وأنا حكيت
 لكم الفترة دى كلها .. دخلنا فى سنة ٧٥ ، جه فض الاشتباك
 الثانى الى جه كسينجر وفشل فيه فى مارس .. يرضه قبله قالوا
 للدنيا ان مصر اتفقت اتفاق منفرد .. وحل منفرد .. وخرجت من
 المعركة و .. و .. و .. وبعدين صبحوا الصبح ، فوجئوا كلهم
 ان مصر رفضت ، قالت لا .. ما حصلش اتفاق ، وحصل ان
 كسينجر رجع وأعلن فشله فى مهمته وعرف العالم كله ..
 وبعدها التقيت بالرئيس حافظ الاسد وعاتبته فى ههنا ..
 وشرحنا كل الى شرحته لكم ده بوضوح .. ما فيش قيادة ..
 جت رحلة سالزبورج وقابلت فورد .. ورجعنا هنا .. وجه
 كسينجر للمرة الثانية عمل فض الاشتباك .. راحت قايسة
 الزعوبة تانى .. وقامت القيامة تانى .. مصر خرجت من المعركة
 .. ثقل مصر .. دلوقتى سوريا زى ما ورد دلوقتى ناسين كلام
 للرئيس حافظ الاسد .. أرجو انهم يكمروا ناسينته له ..
 ليه ؟ .. لان أنا أحترم هذا الرجل الى خطينا اهدانا فى ايامين

بعض .. وخذنا قرار ٦ أكتوبر برغم ارادة الاثنين الكبار ..
لأول مرة في التاريخ العربي يوقفوا اثنين رؤساء ويحطوا ايديهم
في ايدين بعض .. لكن للأسف — حزب البعث ميش عايز يكمل
.. وميش عاجباه هذه .. أنا باحترم الرجل لغاية النهاردة
علشان هذا الموقف وعلشان كده حاتكلم على هذا .. وأرجو
أن يكون الكلام ده انتسب له .. له ؟ لانى هاحكى خلفيته
اللى لازم تسمعها الامة العربية لانى أنا قلت : أنا مش حارد على
حاجة ، لكن كل شىء حاحط قصته الحقيقية قدام الامة العربية.
وحاسب الامة العربية تحكم .. قامت القيامة ، ومصر خرجت
من المعركة ، ومصر اشترت حته أرض بقضية فلسطين ، وقاموا
الفلسطينيين ، بالظبط زى ما هاجموا عبد الناصر .. النهاردة
حزب البعث بيدافع عن عبد الناصر ، ولا بس قميص عبدالناصر
اللى هاجموه ، ولم يهاجم طيلة حياته بأسوأ وأشنع مما هوجم به
من حزب البعث .. النهاردة يقولوا هما والاتحاد السوفيتى
عليه .. الناصرية ..

وصلنا للمرحلة اللى احنا فيها النهاردة .. اللى أنا عايز أقولوه
لكم النهاردة .. انه مع المعاناة اللى حكيتها لكم دى كلها من
العرب .. من الداخل قبل المعركة .. من بعض العناصر عندنا
.. أنا هببت أحط الصورة قدامكم بتاعت الخمس سنين كاملة
علشان تبقى الصورة واضحة وأسلمكم المسؤولية كاملة، وتعرفوا .
فاضل حته صغيرة .. مش ممكن أعدى قبل ما أعدى عليها
لانى أنا ما باردش على حد .. لكن الرئيس حافظ — زى ماقلت
لكم — عزيز على .. لازم أصحح له اللى منسوب اليه .. لانى
أنا مش مصدق برضه انه قال .. ولو انه يقولوا هنا انه قال ..

إنما ما أعتقدش لاني أعرف الرجل صادق .. كان معايا صادق فعلا .. يقول الرئيس حافظ الأسد في حديث نشرته اليوم صحيفة القيس الكويتية أن مصر يمكن أن تلتقي اتفاقها مع إسرائيل .. كما فعل النحاس باشا بالنسبة للمعاهدة اللي وقعها مع الانجليز .. وقال الرئيس السوري ان المخرج الوحيد للموقف الذي يوجد فيه العرب حاليا يكمن في أن تعيد مصر الجملة التي قالها النحاس باشا في الماضي .. فتقول : من أجل مصر ، ومن أجل العرب .. نعلن الغاء هذا الاتفاق .. لغاية هنا يرضه أنا باستعجب انه يصدر على لسان الرئيس حافظ الأسد هذا .. لانه أنا عمري ما نصحته في شأن بلده ولا حزب البعث بتاعه ولا في حاجة أبدا .. اطلاقا .. يعني الناس كده طول عمرها بلغت الرشد من زمان .. قوى .. فباستغرب ، لكن مش ده جوهر الموضوع ..

من ناحية أخرى .. قال الرئيس الأسد ان الاردن رفض اتفاقا شبيها بالاتفاق الموقود بين مصر واسرائيل .. لانه لم يكن يحتوى الا على انسحاب اسرائيلي من بضعة كيلو مترات في الضفة الغربية تبعا للشروط المنصوص عليها في اتفاق سيناء .. يعني الملك حسين اتعرض عليه اتفاق زى اتفاقنا بالضبط .. وبالشروط اللي جات قال في اتفاقنا .. فرفض الملك حسين .. هنا بقه .. لانه - أنا يرضه باقول ان ده منسوب لحافظ الأسد لان الحقيقة غير كده ..

بحكي القصة لامتنا العربية ..

الاتفاق اللي اتعرض على الملك حسين ايه ؟

الاتفاق لا بد - الكلام هنا عن اللي تم قبل مؤتمر القمة

بالرابط .. العام الماضي .. ليه ؟ .. لسبب بسيط .. أنه بعد مؤتمر الرابط الملك حسين ما يقدرش يقول انه اتعرض عليه 'اتفاق أبدا' .. لانه أصبح غير مسئول .. مسلم معانا جميعها مسؤولية القضية الفلسطينية للفلسطينيين .

طيب .. يبقى اذن هذا الاتفاق لا بد أن يكون اللي كان قبل مؤتمر الرابط ده قصته ايه .. هل ده شبيه بالاتفاق المصرى زى الكلام اللي منسوب .. وأرجو أن يكون منسوب لحافظ الاسد مش كلامه .

لا .. أحكى القصة ..

فى مؤتمر الرابط اتشكلت لجنة خماسية من الملك الحسن والملك حسين وأنا وحافظ الاسد وياسر عرفات .. وكلهم سامعين على الميكروفون دلوقتى زى الامة العربية ما هى سمعاني .. هذه اللجنة الخماسية قعدنا عشان نتمسك بـ اتفاق نحل مشكلة المقاومة مع الملك حسين ..

أنا كان من رأى .. وفى اسكندرية هنا عام ٧٤ لو تذكرنا لما جانى الملك حسين فى الصيف وعملت الاعلان ، أنا كان من رأى ان الملك حسين يستطيع انه اذا اتفق مع الفلسطينيين وبرغبة الفلسطينيين على شكل علاقة محددة ، كان رأى أنه يقدر يجيب لهم أرض يستلموها ويرفع عليها علم فلسطين .. وما خبيتش هذا .. قلته .. وعملت بيانى أنا والملك حسين .. فرحنا مؤتمر الرابط وسلمناهم كل العملية ..

والغريب انه قامت قيامة الفلسطينيين يومها ، وأنا متفق مع الملك حسين وأعلننا ان الضفة الغربية وديعة عنده زى غزة ما هى وديعة عندنا فى مصر .

من كام أسبوع .. اتم سامعين .. وحصل قيادة مشتركة
بين سوريا والاردن وما سمعناش فلسطينى لا زعق ولا هاجم
ولا حاجة .. مواقف غريبة شوية لكن بنعديها .. لكن برضه
يقولوا عارفين ان احنا فاهمين بعنى .. اخواننا الفلسطينيين ..
لما قعدنا احنا الخمسة فى اللجنة الخماسية أنا قلت الآتى :
قلت انه اذا كان الملك حسين يستطيع يجيب فض اشتباك ولو
على ستمتر واحد .. من الصفة الغريبة فلازم يجيبه
للفلسطينيين عشان الفلسطينيين يرفعوا علم فلسطين ..
لا .. فى هذا الوقت زى ما عرفتم ، وسمعت قبل المعركة
بستين .. قلت : كونوا حكومة مؤقتة .. كان زمانها النهاردة
العالم كله معترف بيها .. قطعت علاقاتى حتى بالملك حسين فى
ذلك اليوم علشان خاطرهم .. وفى خطبتى يومها قلت : ان أنا
باعمل هذا لان جولدا مائير تمادت فى الفرور وقالت ان مافيش
حاجة فى التاريخ اسمها فلسطين .. فى اللجنة الخماسية واحنا
قاعدين .. الملك الحسن والملك حسين وأنا وحافظ الاسد وياسر
عرفات .. قلت اذا كان الملك حسين يستطيع يجيب ستمتر
واحد من أرض فلسطين فهو مكسب ، وترف عليه العلم
الفلسطينى .. قام - الكلام اللى كان ماثى وقتها ان الملك
حسين هاجيب فض الاشتباك .. معروض عليه فض الاشتباك
.. واحنا كنا ، احنا وسوريا ، عملنا فض الاشتباك الاول ..
وفيه أن احنا واخدين أرض .. سوريا خدت الأرض اللى
فقدتها عن خط الابتداء زائد القنيطرة .. وأنا خدت أرض حجم
اتصارى وقلت مش عايز غير حجم اتصارى .. أهوه على
الأرض حجم اتصارى فقط ..

‘أيامها قالوا : الملك حسين معروض عليه فض الاشتباك ..
قلت لهم : ولوّ ستيمتر واحد معروض لازم يقبله الفلسطينيون
ويحطوا عليه علم فلسطين .. فتحيا قضية فلسطين من الاول
وجديد .. قام فاجئنا الملك حسين بالآتى .. قال : ده اللي
معروض على مش فض اشتباك .. قلنا له : آمال ايه اللي
معروض عليك .. قال : ده اللي معروض على حل نهائي .. انه
اسرائيل تدينا مرات ما بين المستعمرات اللي على نهر الاردن .
تدينا مرات نخش منها الى مسافة في الضفة الغربية .. وحل
نهائي .. قلنا له .. قلت له أنا : لأ ده ما يقاش فض اشتباك
.. ده يبقى حل نهائي ومرفوض ، شكلا وموضوعا .. قال :
هو ده اللي اتعرض على .. عندئذ قلنا له لأ ما حد يقبل بهذا
.. قال : أنا بأرى أن الفلسطينيين يستلموا قضيتهم .. قلنا له
يستلموا قضيتهم .. ورحنا اللجنة الخامسة راجعين للمؤتمر
.. الملوك والرؤساء .. وبلغناهم الحكاية .. اذا كان اللي
منسوب لحافظ الاسد ده حقيقى .. يبقى فيه مغالطة كبيرة ..
ما أحبش حافظ يقع فيها أبدا لانه طول عمره راجل صادق ..
اللى تم فى الاتفاقية الثانية هنا .. مش من داخل مرات بين
مستعمرات اسرائيلية واقفة على نهر الاردن أو واقفة عندى على
المرات لأ .. ده أرض كاملة .. يذكر اذا كان ده صحيح
منسوب لحافظ الاسد .. حافظ الاسد يذكر أنه نقط خط
بارليف الامامية وخط بارليف كله .. والقناة كلها اكتسحها
جيشنا المصرى .. مش محتاجة لحاجة ..

بعدها .. بعد هذا .. ما بناخدش مرات .. بناخد خمس
آلاف كيلو متر مربع من أرضنا .. لا بنمر بين مستعمرات



اسرائيلية زى ما تعرض على الملك حسين .. ولا بنسر جنب
اسرائيليين ، وانما أرض بتسلم لمصر فيها مواقع استراتيجية هي
الممرات وفيها بترول .. ثروة بتاعة مصر .. مش معروض على
مبرات أخش وأسبب خط آلون على نهر الاردن .. زى الملك
حسين ما قال .. الفرق شاسع .. مش شاسع .. عيب انه يتقال
.. وأمتنا العربية لازم تعرف الحقيقة .. الكلام ده مشوث في
محاضر ، مؤتمر القمة في الرباط .. اللي احنا وافقنا عليه هنا في
الاتفاق الثاني انسحاب اسرائيلي من ٥٠٠٠ كيلو متر مربع من
أرض مصر فيها ممرات استراتيجية وفيها بترول .. مش ممرات
بين مستعمرات .. عيب .

من غير شك أنا بأرجو وأدعو الله أن يكون الكلام ده نسب
الى الاخ حافظ ، لانه أنا مش عايز أفتح معركة مع حد أو مع
حافظ بالذات .. لان أنا قلت الراجل ده حطينا ادينا في ادين
بعض وراجل أنا أحترمه وله قيمته ..

بعد ذلك منسوب له كلام كثير وانه يستطيع أن يعيى مليون جندي وأن سوريا تبذل جهود من أجل أن تعيد بطريقة أو بأخرى التوازن مع اسرائيل الذى أختل على أثر تجريد الجبهة المصرية .. لأ .. الجبهة المصرية ما اتجمدتش .. بس للأسف يوم ما رجعت المهجرين فى مدن القناة قالوا مصر خرجت من المعركة .

يوم ما فتحت قناة السويس قالوا مصر خرجت من المعركة .. يوم ما عملت اتفاق فض الاشتباك الاول وأنا جايب اللي زيه لسوريا قالوا مصر خرجت من المعركة .. يوم ما عملت فض الاشتباك الثانى قالوا مصر خرجت من المعركة .. لأ .. الاتفاق الثانى - باقولها بصراحة لاخونا حافظ الاسد - الاتفاق الثانى انتصار للامة العربية ولمصر .. ولكن جايز يكون هزيمة لحزب البعث .. له ؟ .. لانه بيص من منطق حزبى فسبق انه عايز يكسب لسوريا دلوقتى أحسن من اللي تاخده مصر .. طيب ماهو جاي عليها الدور زى فض الاشتباك الاول .. لأ .. اذا كنا ننظر بمنظار حزبى ممكن يبقى نقول عليه انه يتاخذ بهذا المنظار . احنا ما بنشتغلش بمنظار حزبى ، احنا بنشتغل بمنظار قومى .. هذا الاتفاق نصر لمصر .. نصر للقومية .. نصر للمقضية .. نصر لفلسطين حتى ولو ما كانوش مدركين هسدا بكرة يدركوه .. وبكرة يعرفوه .

أنا طولت عليكم لكن أنا كان لازم أحكى لكم وأقول لكم اللي فى قلبى .

الخمس سنين اللي فاتت بقى كده ، ناخذ فكرة عن التسلسل اللي شرحته لكم ..

□ في وسط كل هذه المعاناة .. أصدرنا الدستور
الدائم وأغلقتنا المعتقلات والسجون سطرنا
وإلى غير جملة .

□ لهذا يحدث في مصر لأول مرة منذ ٤٠ عاما .

□ انتهت مراكز القوى إلى الأبد ، وبإد القانون
وأصبح المواطن آمنا على يومه وغده ..
آمنا على أهلنا وعرضه وماله .

□ حاربنا أمريكا وإسرائيل أمامنا .. وكان
الاتحاد السوفيتي يطمعنا من الظفر .

□ انتهت مؤامرة مركسة الميثاق وصدرت
ورقة أكتوبر تصحيحا لوثائق الثورة .

□ واليوم في الذكرى الخامسة لعبد الناصر
يتم الانسحاب الثاني لإسرائيل .

□ التغيرات التي أخذتها على الرئيس الأمريكي
لهي ألا تعتدي إسرائيل على سوريا .. وإتمام
فض الاشتباك فان في سوريا .. واشتراك
الفلسطينيين في التسوية .

□ المسيرة تستمر بعد وفاة عبدالناصر على أكل
وأروع صورة ودراسة لكل المتغيرات .

□ يكفي أن شعبنا راحته منه نزعته الحقد والكراهية

□ إن إنجازات السنوات الخمس الأخيرة ، لقي ماحمة
رائعة من ملاحم تجربتنا النضالية التي
بدأناها في ٢٣ يوليو .

□ وضعنا الملاحم الكاملة لمجتمع جديد لقوا بين
ثورة ٢٣ يوليو ، وابن ثورة ١٥ مايو ،
وابن معركة أكتوبر .

□ تحرير الأرض المصرية والعربية لقومسؤوليتنا
الأولى والأساسية .



□□ في وسط كل هذه المعاناة .. عملنا الدستور الدائم .. بيان
٣٠ مارس الى أنا قلت لكم لم ينفذ منه شيء .. كان يقول
الدستور الدائم بعد ازالة آثار العدوان .. لا .. في عام ٧٩
عملنا الدستور الدائم .. قفلنا المعتقلات والسجون كلها والى
الابد منذ ٤٠ سنة ، أى من قبل الثورة .. أعدنا الحرية
والطمأنينة لكل مصرى .. الحرية النهمادة اتحققت على أرض
مصر .. عملنا معركة ٧٣ .. زحنا الكابوس الى كان يتمثل في
الخبراء السوفيت هنا ، واللى كانوا يقولوا ان المعركة مستحيلة
وكاتبين وماضيين ان الخسائر من ٤٠ الى ٦٠ ألف ، وكاتبين
وماضيين لحسنى مبارك أن ضربة الطيران الاولى حتكون
خسارتها ٣٠٪ .. وتحقق أهداف ٣٠٪ ، قام ضربة الطيران
الاولى ما رحش فيها الا ٥ أو ٦ طيارات من ٢٢٢ طيارة وحققت
٩٩٪ نتائج .. ولى الشرف أن يكون أخويا أحد الخمسة
الاولى الى ماتوا في حرب أكتوبر وفي أول ربع ساعة وهو طيار
.. في ضربة الطيران .. في وقت واحد بأواجه كل ده بالداخل

وفي الخارج زى ما جكيت لكم لكن تمت انجازات رهيبة ..
انتهت مراكز القوى الى الابد .. الدستور الدائم .. سيادة
القانون .. حرمة القضاء .. الامن .. الامن للمواطن على يومه
وغده وأهله وولده وأحفاده وعرضه وماله .. المعركة اللي أثبتنا
فيها مش احنا بس ، وأثبتنا ذات العرب كلهم .. المعركة اللي أنا
برضه بأعيد وأرجع تانى ولازم أقولها وما كنتش أحب أقولها
.. لولا مصر ما كانتش هذه المعركة لانه لو قبلت العرض اللي
جاءوا الى الاتحاد السوفيتى من سوريا ثلاث مرات بوقف انلاق
النار لكان استخدم سلاح بترول ، ولا كان لحق العرب يعملوا
حاجة .. ما قبلتش واستمرت ١٧ يوما .. من ثالث يوم كانت
سوريا مكسورة .. مش بأعيب .. ما باقولش ده عيب على
حمد .. ليه ؟ لان دى حرب بنكسر الى قدما ونكسر ..
ما فيهاش حاجة .. لكن أنا بأقرر حقائق ، ١٧ يوما منهم عشرة
أيام وحدى أواجه الاثنين : اسرائيل والامريكان قدامى والاتحاد
السوفيتى وراء ضهرى .. عملنا كثير .. عملنا ورقة أكتوبر ..
جت علشان الميثاق اللي أسىء تفسيره عن عمد .. اللي يلبسوا
قميص عبد الناصر النهاردة وعازين يقلبوها ماركسية ويقلبوا
الميثاق ماركسى زى ما كان أيام مراكز القوى .. انتهى الكلام
ده كله .. بيان ٣٠ مارس الذى لم ينفذ ده اجراءات الاعتقال
فيه كانت اتخط لها بس ضمانه انه يبقى فيه لجنة من اللجنة
المركزية تراجع الاعتقال والقبض .. النهاردة ورقة أكتوبر
قالت الى الابد انتهت المعتقلات .. وحصلت الحرب ولم يعتقل
مصرى واحد .. وأظن البلد النهاردة ولو ان احنا فى حالة أحكام
عرفية انما لا أظن ان واحد شاعر ان فيه أحكام عرفية فى البلد

النهاردة .. اطلاقا .. استحملت ده كله من بعض الطلبة .. من الصحفيين .. فى وقت من الاوقات من المهنيين .. من العرب ، من عناصر كثيرة .. استحملت ده كله لكن كان الانجاز ضخيم فى الخمس سنين دول .. والنهاردة ، وفى الذكرى الخامسة لعيد التضامن يتم فض الاشتباك الثانى اللى بنحصل بيه على المبرات وعلى بتروك سيناء بالكامل وهو ليس الا خطوة كما نص الاتفاق .. خطوة نحو الحل النهائى ولا يمثل كما هو منصوص عليه وبلاش التهريج وبلاش المزايدات واللى عايز يقرأ .. يفرا نس الاتفاق .. خطوة نحو الحل الشامل اللى كل الاطراف ستكون موجودة فيه بما فيها فلسطين ..

أنا ما أعلنتش عن التعهدات اللى خدتها على الرئيس الامريكى .. لان قلت سيهم يهرجوا فى التهريج بتاعهم .. أنا واخذ تعهد على الرئيس الامريكى ان اسرائيل لا تعتدى على سوريا .. وواخذ تعهد على الرئيس الامريكى باتمام فض اشتباك على سوريا زى ما حصل فى فض الاشتباك الاول .. وواخذ تعهد باشتراك الفلسطينيين فى التسوية .. ان كان فيه حاجة سرية تبقى دى — يا اللى سامعينى فى العالم العربى ويا حزب يا بعث يا سورى ، ويا فلسطينيين — ان كان فيه بنود سرية أهه البنود السرية باحكيها .. ما حبتش أقولها وقتها لان أنا فى وسط الجو المحموم بتاع المزايدات والخيانات وتوزيع الخيانة ما حبتش أرد ومش ح أرد .. ومش مصر اللى ترد .. برغم ده كله .. حصلت انجازات ضخمة ..

ورقة أكتوبر حطت استراتيجية لسنة ٢٠٠٠ لخمس وعشرين سنة جاية .. أعلن خط السير ده كله لا بد أنه يكون فضح اللى

يلبسوا قميص عبد الناصر .. النهاردة من الخارج وبيهاجونا
.. اللي يلبسوه هنا في الداخل علشان يحاولوا يعملوا من نفسهم
كهنة لمعبد عبد الناصر اللي ما حدش يعرف تعاليمه الا هم ..
أظن ده واضح قوى .. وخط السير واضح .. والمسيرة
ماشية وبتتكمّل بعد ما سابها عبد الناصر على أروع صورة
وبدراسة وبدقة لكل المتغيرات ، ويكفى .. يكفى ان النهاردة
شعبنا راحت منه نزعة الحقد والكراهية .. اللي اتربت في البلد
من زمن طويل .. يكفى أن نزع الحقد راحت ومصر عادت
عيلة واحدة .. يكفى أن المعتقلات والسجون اتفتحت كلها ..
الى الابد .. يكفى أن سيادة القانون بتحكم .. ما فيش كبير،
وصغير أمام القانون .. يكفى أن كل انسان مطمئن على نفسه
.. يكفى ان حتى اللي يعارضوا النهاردة يقعدوا يقعدوا ،
ويعارضوا ويخطبوا .. وماحدش يروح يقبض عليهم .. يكفى
الانجاز الضخم .. الانفتاح الاقتصادي .. الانفتاح الاقتصادي
كنت عايز أكلمكم عليه لكن في مناسبة جاية ان شاء الله سأكلمكم
.. انجاز رائع .

أيها الاخوة والاخوات .. ان الانجازات التي تمت خلال
خمس سنوات أكثر من الاحصاء ، وكما قلت هي ملحمة رائعة
من ملاحم تجربتنا النضالية التي بدأناها يوم ٢٣ يوليو ،
وجددناها وخرجنا بها من المحنة في ١٥ مايو ثم في ستة أكتوبر
.. ومن ينظر الى انجازات هذه المرحلة فرادى قد يدهشه كثرتها
وتنوعها وشمولها لكافة ميادين العمل الوطني وساحاته ، ولكن
الاهم والاعمق من هذا التعدد .. ان ننظر اليها متكاملة .. أن
نلاحظ الترابط العضوي بينها .. بين قرار الحرب مثلا من جهة .

وخطة التعمير حتى سنة ٢٠٠٠ من جهة أخرى .. يشوف
الترابط بين الاثنين .. بين قرار الانفتاح الاقتصادى من جهة،
وخطة تجديد وتطوير القطاع العام من جهة أخرى .. بين
اطلاق الحريات ، وبين تطوير الاتحاد الاشتراكى ، والبدء بتجربة
تعدد المنابر وتدعيم المؤسسات الدستورية فى البلاد .

ان من ينظر الى هذه المنجزات .. ليس فى عددها ، ولكن فى
شمولها وتكاملها سوف يجد اننا فى هذه السنوات الخمس قد
وضعنا الملامح الكاملة لمجتمع جديد .. هو ابن ثورة ٢٣ يوليو
وابن ثورة ١٥ مايو، وابن معركة أكتوبر ، وابن الفكر الثورى
الوطنى المدرك لمتطلبات العصر الحديث ومتغيراته .. ومع ذلك
.. فأتنى أقول لكم : أيها الاخوة والاخوات .. ان ملامح هذا
المجتمع الجديد التى وضعنا أسسها لا تدعونا الى الراحة ، بل
تدعونا الى مزيد من المشقة والجهد والنضال .. فالارض
المصرية والعربية لم تتحرر كلها بعد .. وما زلنا نعتبر هذه
مسئوليتنا الاولى والاساسية ، والفرد المصرى لم يحصل بعد
على المستوى الذى نطمح اليه وتتمناه . ان النظر الى انجازات
الامس قد يدعو الى الراحة .. فى حين ان النظر الى انجازات
الغد يدعو الى مزيد من الجهد والتعب .. ولكن واجبى فى
مركزى هذا أن أنظر دائما الى الامام ، وأن يشغلنى مستقبل
هذا الشعب الجديد .. المجيد ، وأتنى أتمنى أن تنتشر بيننا فى
كل مواقعنا هذه الروح .. فلا نحارب معارك الامس ..
لا نحارب معارك الامس لا داخليا ولا عربيا ، بل نشمر عن
سواعد الجد لنواجه معارك الغد .. فنحن فى عالم لا یرحم
القاعد ، ولا المتباطىء ، ولا الذى يحاول أن يسير ووجهه الى

الوراء .. نحن يجب أن نفهم الماضي لكي نتعظ بتجاربه .. لا
لكي نرتبط بقيوده وسلاسله .. الشعب الاصيل هو الذي
يعتز بتراثه وأصالته ، ولكنه يتخذ منها حافزا على التقدم ، ولا
يكتفى بها عذرا عن القعود ..

في هذه الذكرى ادعو الله سبحانه وتعالى الا تأنى الذكرى القادمة
الا ونكون قد حققنا المزيد من البناء ، وحققنا المزيد من الحب
والتراحم والود .. أدعو الله أن يوفقنا لكل هذا في الذكرى
القادمة .

« ربنا لا تزغ قلوبنا بعد اذ هديتنا وهب لنا من لدنك رحمة،
انك أنت الوهاب » .
والسلام عليكم ورحمة الله ..

